




H 10 443











Reuerendissimo Domino Iacobo Cardinali Papi  
ensi Domitius Veronensis salutem et commen.

Roxime legi Reuerendissime domine  
p orationem disuasoriam Venerabilis pa  
tris Celsi ueronensis Canonici regularis  
in qua cum rationibus / tum etiam exemplis præ  
clarissimis pluribus uarie copiose atq; orate rebo  
sacris parcendum et abstinendum esse contendit :  
eam a te qui doctissimus et eruditissimus ab omni  
bus haberis et existimaris ualde probari audio et  
uehementius commendari: Ego quoq; pro hac te  
nuitate mea grauissimum iudicium tuum tãti fa  
cio ut ipse tecum sentiam / ac talem lucubratõnẽ in  
tegerimi religiosi imprimendam ex tua sententia  
esse decernam. Cum in uniuersum ad omnes per  
tineat talis causa talisq; disuasio. Christiani enim  
nominis decus / christianæq; religionis ratio præci  
pue custoditur / si inter alia quoq; res sacrae intac  
tæ inuiolataq; seruentur. Vale .



Epistola Reuerendissimi domini Hermolai Bar  
bari Episcopi Veronensis ad . D. Celsum Veronē  
sem Canonicū regularē Congregatōis lateranēsis

Eligiosorum decus saluus sis: uno spū le  
gi disertissimam et xp̄ianissimam episto  
lam tuam: in qua legenda tantam cœpi  
uoluptatem / ut nihil suauius / nihil ad explendā  
sanam mētem pinguius audiri aut legi potuisset:  
Quoniam nihil pretermisisti eorū quæ a magnis ī  
geniis excogitari / aut a doctis religiosis ad nostros  
homines erudiendos in tanta re afferri potuissent  
omnibus doctrinæ / sanctitatis / auctoritatisq; pre  
sidiis munitus: ad monēdos Venetos uiros te ita  
preparasti / ut apud omnes nō minus christianus  
q̄ doctus et sis et habearis: Adde igitur quæ ī mar  
gine annotasti: et perfice opus hoc dignum: ut in  
ter cætera quæ per omnes tuæ ætatis gradus preco  
nia in omnibus fere Italiae urbibus es cōsequutus.  
Hanc etiam dignam laudem in Veneta urbe regi  
na Italiae ut ita dixerim consequaris: Tanta enim  
ut spero erit dicendi uis / ut si non omnes / sanio  
rem tamen partem ī tuam adduces piissimam sen  
tentiam: Nihil falsi locutus es / nihil ueri conticui  
sti ad seuerissimos animos moliendos: Et cum om /



nia summa caritate narraueris i misericors ac mise-  
rator dominus magis ac magis assistet huic sancto  
operi: et illuminabit mētes et corda omnium ad  
ueritatem agnoscendam relictis tenebris: Nec dese-  
ret hanc urbem: quæ tempore lucis sola condita ē:  
Et tot ac tantis sanctorum corporibus ornata ac  
munita: ut nunquā adduci possim illā facile peritu-  
rā tanquā summi dei peculiarē. Vale et me ut soles  
ama / ac pro me ora . Ex Venetiis pridie kllās Fe-  
bruarias. M. cccclxxi .

Tuus filius Hermolaus Episcopus Ver-  
ronensis indignus manu propria .



**Celsi Veronensis Canonici Regularis Lateranē  
sis cōgregationis Dissuasoria ne Christiani  
principes Ecclesiasticos usurpent cen  
sus Ad Inclytū ueneturū Senatū.**

Volent complures sæpenumero Sere  
nissime Princeps / Illustrissimeq; Sena  
tus cum de re aliqua tractaturi sunt /  
ea tantum in dicendo sectari / ea pro  
ferre / ea suo sermone complecti ; quæ legentium  
auribus obsequantur; quæ ue gratiam / et inanem si  
bi applausum ualeant aucupari . Contra uero  
quæ recta / quæ utilia / quæ bona sibi et honesta ui  
dentur; ea ueluti minus gratiæ / minusq; oblecta /  
menti ac suauitatis habitura aspernantur et respu  
unt . Ast ego ab his profecto longe aliter sentio .  
Videntur siquidem mihi ii non mediocriter erra  
re : ac ut ita dixerim / a proposito suo pene decide  
re . Nam dū gloriam sibi ab hominibus ac laudes  
ex turpi quadam mercatura quærūt; ignominiam  
magis ac dedectis incurrūt . Quid enim turpius q̄  
sub boni specie amicorum animis fraudes offun  
dere? Quid indecentius q̄ pro ueris ficta ac simul  
lata supponere? Quid inq̄ fedius; et ab omni pror  
sus honestate semotius / q̄ pestiferis assentatōibus



mortalium mentes in multos ac inaximos errores  
inducere? Ii profecto non amici / non beniuoli / non  
uiri boni / sed immanissimi potius hostes / et omnium  
odio digni habendi sunt. Quis .n. numeret quot  
malis / quot iacturas / quot pestiferas clades inferat?  
Quis inquam numeret quot detrimenta / quot dispē-  
dia / quot incōmoda / ac pericula ob istiusmodi as-  
sentatorum praua consilia / ac obsequia fraudulē-  
ta non priuati solum homines subeant; sed etiam  
uniuersæ res publicæ / ac cunctorum regum impe-  
ria? Id uero illis assequi haud profecto difficile ē:  
nam beniuolentiæ et amicitia cultu subiecti blan-  
dis laudibus / ac fictis obsequiis mētes hominum  
offuscant; fraudes innectunt; et unumquēq; rerū  
suarum ignorantia inuoluunt; Vt quæ bona ac sa-  
lubria / quæ ue sibi noxia ac pestifera sunt minime  
dignoscere queat. Tales etenim se esse arbitrātur  
homines; ut merito iureq; laudentur; Ex quo in-  
numerabilia postea peccata nascuntur; et in maxi-  
mis illi uersantur erroribus. Quamobrem istorū  
ego impresentiarum sententiam minime sequēdā  
dixi; sed ea magis prosequar / ea audacter enarra /  
re contendam; quæ si minus gratia / minusq; sua /  
uitatis forte habitura sint; at profecto non ficta / non  
simulata / sed quæ uerum amicū / uerumq; doceāt



monitorem: ob eamque rem neque omnino fortassis  
inutilia: neque futura prorsus infructuosa. Nam et  
medicorum plerumque amara sunt pocula: eadem ta-  
men frequenter egrotis opem afferunt et salutem:  
Quod sane mihi quoque arbitror esse faciendum:  
idemque mihi in hac causa officium eandemque assu-  
mendam esse personam: quo aptius et facilius salu-  
tem pristinam: bonamque ualitudinem languentibus  
inducam. Ea propter si licentius aliquid dixisse  
uidebor id non odio / non liuore aliquo fieri exi-  
stimandum erit: sed ut magis animus tuus serenif-  
sime Princeps et eorum qui monitis talibus indi-  
gent ad meliora ac salubriora consilia capeffenda  
quae efficaciter excitentur. Accipies igitur hanc lu-  
cubranciunculam meam satis horrida et inculta ora-  
tione conscriptam: quam ob meum in te inclytumque se-  
natum singularem amorem / principuamque caritatem et  
obseruantiam serenissimo nomini tuo dedicare con-  
stitui: Si quid forte consilii: Si quid utilitatis et  
adiumenti uobis: uestrisque afflictis rebus non solum  
assiduus orationum suffragiis: Verum etiam crebris uer-  
borum exhortationibus afferre potuero. Nunc igitur ne  
percul nimis nostra aberret oratio dicere aggrediar:  
quae tecum in praesentia mihi Serenissime Princeps agere  
constitui: Si tamen illud unum prius subiecero: me idcir-



eo hoc onus sponte suscepisse : ut nulla in parte  
mihi ipsi pro ingenii mei paruitate desim : quin ea  
suggeram : ea consulam : ea admoneam : quæ ad istius  
us uestri inclyti clarissimiq; senatus salutem / ac per  
petuam gloriam in his tantis calamitatibus ac pericu  
lis nostris firma certaq; ratione pertinere dignosco.

Um itaq; paucis ante diebus Serenissime  
Princeps religionis meæ gratia uarias urbes  
uariosq; populos peragrarē : complures sapel  
numero ( ut fit ) præclaros / ac insignes uiros / complu  
res illustres / ac excellentissimos principes alloquutus  
sum. Inter loquēdū uero in eos ipsos crebro sermo  
nes incidimus : qui nūc maxime per omniū ora uer  
fantur et uolitant : De huius scilicet impiissimi tur  
ci Christiani nominis hostis prospero fœliciq; bello  
rū successu : quibus Christianos insequit̃ uexat at  
q; trucidat : quibus orthodoxam fidem dies noctesq;  
labefactare ac funditus euertere nitit̃. in qua quidem  
re eum iam diu tantū inualuisse tantumq; excreuif  
se cōspicimus / tantas sibi pedestres ac maritimas co  
pias / tot auxilia ac bellicos apparatus sibi cōparaf  
se : tantū deniq; aduersus Christianos et Italiam ip  
sam exercitū contraxisse : quantū aduersus Græciā  
olim magnus ille Xerxes : quem mare classibus : ter  
rā uero pedestri exercitu pene operuisse memoria

Turcus.

Xerxes.



proditū est. Quo circa tantæ potentæ et expediti  
onis incredibilis magnitudo unicuiq; non imerito  
potest eē formidini. Verū ceteris istiusmodi com  
pluribus inter loquendū in eo sermone a nobis p̄  
termiſſis ad id unum maxime nostra tandē deflu  
xit oratio: q̄ magna fuerit | q̄ erumnoſa | q̄ do  
lenda et non ſine lacrymis cōmemorāda recens ue  
ſtra Euboæ inſulæ cladeſ | atq; iactura: qua profe  
cto nulla maior | nulla triftior | nulla uobis | ac  
Chriſtianæ rei Publicæ infœlicior accidere pote  
rat. Ex inde namq; non uobis ſolum ac mari  
timo ip̄erio ueſtro crudele bellum et extremum di  
ſcrimen ip̄endit: Verū etiam Italiæ ip̄i ac uniuerſæ  
fidei noſtræ triftis euerſio et ſupremū exitiū p̄para  
tur. Quo circa ſummopere profecto pertimeſcen  
dū eſt: actum iam eſſe de nomine Chriſtiano: actū  
de fide catholica tot Chriſti laboribus | tanto ſan  
guine | tot cruciatibus conſtituta. Iam. n. ad radicē  
poſita ē ſecuris: i foribus iam adſunt ſæuiſſimi ho  
ſtes: iā littora naualib; copiis plena ūdiq; reſonāt.  
iam nobis niſi e cælo diuinū ſuffragetur auxilium  
extrema imminet clades | et miſerabile naufragiū  
ſubeundum eſt. Quis. n. iſtius imaniffimæ belluæ  
ferocē impetū ſubſtinebit? Quis trucem audaciā  
cohercebit? Quis inq; tanta elatū uictoria ab ince

Ebuoea.



pro suo deterrere ualebit? Pre multitudine quippe  
hominum ac pre magnitudine uictoriae partem angu-  
stos se fines habere arbitrabitur: non enim explet unquam aut  
satiatur regnandi libido: sed quanto maior imperii fuerit  
accessio: tanto quoque crescit et augetur dominandi cu-  
pido. Quam ob rem facile admodum sibi persuasum erit:  
se se totius Italiae imperio posse quandoque potiri: huc per-  
fecto uotis omnibus aspirat: ad hoc toto desiderio  
mentis anhelat: ad hoc omnes cogitationes suas omnia  
consilia/omnem curam animumque conuertit. Quae sane res  
ueluti olim Alexandrum Macedonem/aut Caesarem illum:  
quos iste potissimum sibi ex omnibus imitandos dele-  
git ad subiugandi totius orbis cupiditatem supra hu-  
manum modum euexit: ita hunc quoque pari modo uehe-  
menter impellet ad suum longe lateque propagandum imperium:  
ac nominis sui famam praeclearissimis gestis posteris de-  
mandanda: quod ingenuis ac praestantibus animis ad  
maximas res obeundas non mediocre adiuumentum affe-  
rere consuevit. Emulatione itaque gloriae ( ut aiunt )  
parum se illis conari ostendere: et eorum exemplo gloriae/  
ac laudis studio magis ac magis ardere et inflammati  
uidetur. Ad quod sane nunc eo quidem impensius et au-  
dius anhelabit: quo latior sibi uiam / facilioremque ex  
hac recenti uictoria sibi aditum comparauit. Quas ob  
res ( ut multis uideatur ) satis quidem iuste haec Euripi

Alexander,  
Caesar.

Euripus.



uestri clades atq; calamitas omniū maxima maxie  
q; deplorāda ē: quā digno uobis ac recto sūmi dei  
iudicio euenisse opinātur / et dicitāt: ppter insoli  
tam uestrā sacrarū rerū exactionē / ac uexatā religi  
onis iniuriā. Sic profecto et ppxime decursis tēpori  
bus pclarissimā illi totoq; terrarum orbe celeberrī  
mā urbi Constātinopoli: quæ Romani quōdā im  
perii sedes extiterat: ob iniquiorē tamen cām eue  
nisse meminimus. Nā et si nō sine magno cordis  
dolore ea ifœlicissima clades recolēda sit: ob diuti  
nā tamē ac iueteratā græcorū a uera fide discordiā  
haud iniusto optimi dei consilio tā lugubrem cala  
mitatē / tāq; miserabile excidiū omēs ppestam fuis  
se testant. Quid Pisanorū euersio? qui superiorib;  
tēporibus tāta potētia tamq; lato īperio gloriabā  
tur: Nōne tā diu psp̄era eis cūcta successere? tā diu  
īperīū suū terra mariq; integrū seruauere: quo ad  
rē diuinā summa obseruātia coluerūt. Postq̄ uero  
ī res sacras / ac sūmi dei ministros īpias manus inie  
cere: tū demū multa aduersa / multa icōmoda / mul  
tasq; ac maximas calamitates ppesti sunt: Adeo ut  
nō solū īperīū īp̄m turpiter amiserint: Verū ēt sub  
hostiū misera redacti sint uirtute. Quo circa nei  
mini fane mirandum est: si itidem nunc uobis et  
Eubo ex insulæ uestre infœliciter contigit. Vox

Tribus enim  
his expeditio  
nis Achaicæ  
Vnde Euboe  
clades.

Constantino  
polis quare ī  
manus Turci

Pisæ quare  
Euerse.



Tristis euen-  
tus expeditio-  
nis Achaicę.  
Vnde Euboę  
elades.

quippe omnium gentium est omniumque populorum: expeditionem  
uestram Achaicam tam triste tamque infelicem eventum ob sacrarum  
rerum exactionem sortitam fuisse. Parique modo Euripidi  
uestri cladem nuper acceptam in eadem omnes referunt  
culpam eandemque religionis iniuriam. Quam ob rem magno  
pere si recte sentimus / si ad nostrarum rerum inspectionem  
ratione ducimur / magnopere inquam nobis pertimescendum  
est: si in hoc uestro proposito diutius steteritis / ne  
reliquae ciuitates et insulae uestrae eadem sortem subeant /  
eandemque uindictam. Neque enim perseuerante ruinarum causa  
salutem afflictis rebus gigni / parari uel posse sperandum  
est. Haec itaque et alia istiusmodi complura ubique passim  
frequenter audiui: quae enumerare ac praesenti ser-  
mone complecti uelle longi admodum superuacanei que es-  
set negotii. At nunc id unum sat sit commemorasse:  
multa neque uario / neque obscuro sermone cum maxi-  
ma uestri clarissimi senatus nota atque dedecore ob  
insuetam istam sacrarum rerum compilationem ubique praeferrim.  
Quam ob rem (ut uerum fatear) ob singularem meum erga  
inclitum uestrum diuinumque senatum amorem et obseruationem  
non mediocriter indoleo uicem uestram. Velle siquidem ea-  
de uobis ac felici statu uestro libenter audire: quae  
ad summam laudem / summamque gloriam ac splendorem pertine-  
rent. At magno dolore carere non possum cum ad-  
uerto quorsum iam inclinet ac deoluatur illa no-



minis uestri tanta claritas / tantaq; celebritas: quæ  
uniuerso orbe etiam apud remotissimos populos  
incredibilis ferebatur: nec îmerito. Sicut enim mul  
to antea tempore amplissimis diuitiis / maxima re  
rum omniũ opulentia / summa gloria / summoq;  
splendore hæc præclara ciuitas uestra cæteras ante  
iuit: ita quoq; morũ honestate / uitæ sanctimonia /  
iustitia / fide / pietate / religione / reliquisq; uirtu  
tibus excellentissime prestitit. Quæ quidem opti  
mæ disciplinæ postq̃ obliuioni tradi cœperunt. ita  
quoq; illa nominis uestri tanta claritas / tantaq; ce  
lebritas paulatim minui / paulatimq; deleri cœpit  
pariter et extinguĩ. Verũ licet ego grauiter et ini  
quo animo perferã tot clades / tot calamitates / tot  
uestros infœlices euentus / tot antiquæ gloriæ uestræ  
atq; imperii detrimenta: quæ per totam fere profe  
runtur Italiam; nõ tamẽ ab illorũ opinione omni  
no dissentio ( quod bona uenia uestra dictum sit )  
qui insolitã hanc sacrarum rerum exactionẽ / præ  
cipuam rerum male gestarum causam opinantur.  
Cũ.n. nonnũq̃ mecum ipse cogito: ac priorũ tem  
porũ transacta mēte p̃curro: ï eorum p̃fecto sentẽ  
tiam haud difficile adducor. Videtur siquidem  
mibi ( ut libera fronte loquar ) quæ firma satis et  
explicata ratione sentio inde uobis ac e pestilenti



quodam fonte omnia icōmoda | omnia uobis ad  
uersa manare: Quod palne ita esse unicuiq; aper/  
tum satis erit atq; perspicuum: si clarissimorum fa  
cinorum memoriam inspectare uoluerit. Quis. n.  
ut rerum gestarum paulo altius initia repetamus  
est tam inscius? Quis tam rerum omniū penitus  
ignarus? Qui nesciat q̄ mirificum | q̄ præclarum  
q̄ q; diuinum hæc res. p. uestra i sui primordio ini  
tium habuerit: q̄ magna deinde atq; excellētia | ac  
supra cōmunē conditarum urbium consuetudinē  
incrementa suscepit? Omnia namq; tanta pspe  
ritate tāq; fœlici rerum omniū successu euenere:  
ut omnia fere in ea statim pariter excreuisse: et ad  
summū gloriæ fastigiū puenisse uideantur. Nō so  
lū. n. summis diuitiis preciosarū rerū omniū uarie  
tate | sumptuosissimis magnificisq; tectorū structu  
ris | incredibili nauiū numero | miroq; ac splēdido  
earū apparatu hanc ciuitatē uestrā breui temporū  
decursu uniuerso orbe celebrem reddidistis: Verū  
etiam lōge lateq; terra et mari imperium uestrum  
propagastis: diutiusq; q̄ ullæ unq; gentes pro sin  
gulari uestra ac maiorū uestrorū sapiētia integrū  
fœlicissime conseruastis. Adeo ut neq; totius Italiæ  
arma quæ uniuersi orbis domina atq; regina de/  
scribitur ulla ex parte illud unq; labefactare posse



rint. Quæ nam igitur tantarum prosperitatū: quæ  
tot fœlicissimorum successuum extitit causa? nisi  
propterea quia nulla unquā ciuitas fuit: in qua aut re  
ligio magis culta/aut iustitia diutius et sanctius cu  
stodita fuerit. Id autē sine adulatione dictum exi  
stimari uelim. Videor. n. mihi pro rei merito pa  
rum ēt dixisse: et sermonē ipsum superari magni  
tudine rei. Quis enim nō admiretur? Quis nō sū  
mis laudibus efferat præcipuū illum singularemque  
maiorum uestrorum in diuinis rebus ardorem: ma  
ximam et inuiolabilem iustitiæ ac religionis obser  
uantiam: Sūmam erga pauperes Christi munificē  
tiam: Inextimabilē illam erga templorum cultum  
atque splendorem liberalitatem? Huiusce uero rei in  
hunc usque diem optima testis est nō modo proba  
tissimorum grauissimorumque uirorum recēs memo  
ria. Verum etiā id ipsum cumulate declarant orna  
tissima templa / ampla ac sanctissimis religiosis re  
ferta monasteria: quæ ante actis temporibus ex sol  
lis maiorum uestrorum oblationibus et elemosinis  
constant fuisse constructa. Nam et si semper in his  
quæ ad dei cultum ac religionis obsequium et ob  
seruantiam pertinerent liberales haberentur pari  
ter ac deuoti. Cum tamen istius modi calamitati  
bus premerentur ac talibus afficerentur angustiis:

Mira prisco  
rū Venetorū  
religionis ob  
seruantia.



tum maxime præcipuum sibi e caelo subsidium bonis operibus exposcebant : tū maxime largissimis elemosinarum distributionibus magna fide / magnaq; deuotione deum sibi bonorum omniū largitorem placare cōtendebant . Quā uero disparia et ab illis dissona nunc tēpora subsequuta fuerit : quāq; dissimilis ac pene contraria erga religionē cultumq; diuinum successerit obseruantia / aliorū nūc malim id esse iudicium . Res enim adeo illustri ac propatulo sita est loco / ut facile unicuiq; possit eē perspicua . Sed de his posterius . Nūc redeo ad maiorum uestrorum tempora : qui ut antea diximus talibus presidiiis cōmuniti tum demum aduersus hostes pro statu pro imperio suo bella subibāt : tū ad certamen exhibant : tum animo intrepido pugnam capebant : neq; prius ad patriam remeabant : quā profligatis deletisq; hostibus uictoriam certam / ac spolia reportarent . Quam ob rem non immerito laudatur ille . F. Camillus : qui Populum Romanū auctore Liuiο ad hoc ipsum plurimum hortabatur . Intuemini enim inquit Quirites horum deinceps annorum secundas res uel aduersas : et omnia prospere diuina nobis sequentibus numina aduenisse inuenietis : Aduersa uero et horrida spernentibus subsequuta fuisse . Quanto nunc igitur meliore

F. Camillus  
Liuius,



loco staret : Vestra quoque res publica Serenissime  
Princeps: si maiorum uestrorum erga religionem  
optimas disciplinas / optimaque instituta uobis imi-  
tanda proponeretis? Quanto sapientius ac præstā-  
tius regeretur: si eorum summa prudentia / et rerū  
a se bene gestarū exemplo doctiores fieri niteremi-  
ni? Profecto non uos tot bella / non tot incōmoda  
non tot pericula / non tot infestarent aduersa: Sed  
ut olim fuis ac circūquaque debellatis hostibus ue-  
stris uictoriā ac gloriosa reportaretis trophea . At  
si minus hoc tempore prospere minusque fœlicius  
quā expetitis et optatis uobis res uestræ succedunt :  
mirum sane id nulli uideri debet: cum maiorū ue-  
strorum optimæ sanctōnes parum quidem prudē-  
ter paulatim obliuioni mandari cœperint: cū reli-  
gio ipsa / ac sacerdotum reuerentia lōge minus so-  
lito: minusque quā uti par erat excolatur in uobis. Sed  
ignoscite oro si quid durius uobis uideor protulif-  
se: ita enim multi imo pene omnes: qui ratōnis du-  
ctum sequi uoluerint: sentiunt. Ad uestram .n. uti-  
litatem omnia ista prosequor: ea propter ad ueniā  
mibi faciliores esse debetis. Sed iam reuertatur un-  
de excidit sermo. Ea itaque parū docte a uobis sen-  
sim obliuioni tradi antea diximus: et recte quidē .  
Ea nāque sola fuerunt: quæ uos superiori tēpore ac



rem pu. uestrā ad tantā sublimitatē/ ad tantā glo-  
riam/ tantūq; splendorē fœliciter euexerunt. Quā  
ob rē haud iniuria desiere nunc fœlices uestri suc-  
cessus; desiere antiqua trophea; desiere pristini vic-  
toriarū triumphū; desinere cœpit et tantæ uestræ glo-  
riæ claritas; desinere deniq; cœpit et illa pariter no-  
minis uestri tanta auctoritas/ tantaq; maiestas; quæ  
toto orbe haud obscure celeberrima uagabatur.  
quæ cunctis populis/ et gentibus uniuersis/ regibus  
atq; principibus nō îmerito admirationi esse pote-  
rat atq; formidini. Nūquid nō ista ppenditis Cla-  
rissimi Veneti? Nūquid nō ista cogitatis? Nūquid  
non ista magnificitis? Id unū oro parūper aduerti-  
te; id unū mētis acie parūper inspicite; id unū inq̄  
testāte cōscientia uestra parūper attēdite. Quot ui-  
ctorias/ quot trophea/ quot ex hostibus spolia re-  
tulistis/ quot in hoc tā diutino bello fœlices euētus  
expertī estis/ ex quo tā insolitū/ tāq; uobis pestiferū  
consiliū excogitastis: Vt nequaquā uerendū esse ar-  
bitrarentini î res sacras/ ac deo dicata bona uestras  
extēdere manus. Quæ quidē uobis (mihī credite)  
in his tantis periculis/ ac necessitatibus uestris/ nullū  
subsidiū/ nullūq; prorsus allatura sunt adiumētū.  
Et si aliter multis forte uideatur; qn̄ imo ueluti pe-



stis quædã sæuissima: quæ mortifera cōtagione sua  
uicina ac proxima quæq; inficere / et maculare cō-  
suevit: ita hæc quoq; uestros apparatus et copias  
(quod pius deus auertat) ad interitū / pernitiemq;  
deducent. Non tale pfecto consiliū inisset Cæsar  
ille; licet esset a uera religione semotus: qui ut in  
eius uita pulcherrime scribitur: cū in aruerniã forte  
contēdisset: Aruerni uero tãq̃ raptū a summo im-  
peratore spoliū suspensum in templo gladiū Cæ-  
saris cōmostrarent: eundē tunc locū ingressus gladiū  
ipsum conspicatus subridēs obmutuit. Cūq;  
amici eum detrahi inde iussissent / id nequaq̃ fieri  
Cæsar permisit. Et optime ac religiose quidē. Eū  
nāq; sicut et cætera quæq; tēplorū ornatui / ac cul-  
tui dedicata iã rē sacrã existimabat. Quã ob rē nei-  
quaq̃ fas esse censebat talia amplius manibus mor-  
taliū esse cōtingēda: et in alios usus humanos esse  
quandoq; trāsferēda. Nō sic quoq; maiores uestri  
pfecto fecissent / nihil tale unq̃ excogitassent:  
Non tale consilium inissent prisci illi summa pru-  
dentia / summaq; sapientia præditi: qui nullo imi-  
nente periculo / nullis aduersis / nulla demum nei-  
cessitate adacti: tale sibi unquam subsidium asciri  
scere uoluerunt: et prudentissime quidem:

Cæsaris re-  
ligio magna



Precipua  
rei Pu. gu/  
bernacula  
Religio atq;  
iustitia .

Intelligebant enim cuiusq; rei pub. optima guber-  
nacula: quibus conseruatur/ augetur/ et propagat  
imperiu . duo precipua esse/ religionē scilicet atq;  
iustitiam: quibus quidem stantibus et imperiu sta-  
re necesse est: et pariter cū labētibus labi. Huiusce/  
modi itaq; artibus/ et institutis magis q̄ armis im-  
perium hoc/ quod terra mariq; latissimū est: facile  
parauerunt. Vbi uero hæ artes et optimæ discipli-  
næ labi ac declinare cœperunt: illico imperiu quo/  
q; ipsum magis ac magis minui/ ac retro fluere cœ-  
pit. Quæ quidem omnia ad religionem sacrarūq;  
rerum diligentiozem cultū et obseruantiam (si reci-  
te inspicere uolueritis) uos non mediocriter admo-  
nere ac impellere debent. Neq; uero solum exem-  
pla hæc uestratia rerum male gestarum optimo do-  
cumento uobis esse possunt: Verum etiam maxi-  
ma illa antiquorum cura/ summaq; diligentia/ et  
obseruantia: quæ diuinis rebus earumq; cultorib;  
cumulatissime semper est habita . Apud ægyptios  
namq; auctore Diodoro cū uectigalia omnia tres  
in partes æquissime diuiderentur: primā sibi partē  
sacerdotes uendicabant: tantaq; apud eos auctori-  
tate erant: ut eorū consilio et auspicio cuncta gere-  
rentur: imunesq; et ab omni prorsus onere liberi  
secundum post reges dignitatis locum obtinerēt .

Diodorus .

Ægyptiorū  
religio in sa-  
cerdotes .



Indi uero cum uniuersum populū in septem tribus  
diuiderent : primā sacerdotū tribū constituebant :  
quā qdē ab omni opere et onere liberā sūmo cul-  
tu summoq; honore dignabantur . Sed æthiopes  
sententia mea deorū cultu / et obseruantia omnes  
antecelluisse omnesq; facile superasse uidentur .  
Apud eos .n. sacerdotes / tēplorumq; cultores tan-  
to in honore fuerunt : ut ex ipsis solū regum sume-  
retur electio . Quodq; incredibile dictu uidetur tā-  
ta fuerunt auctoritate / tantaq; illis fides adhibeba-  
tur : ut cum sibi uideretur regibus nunciarent : ut  
mortē appeterent / ita .n. dicebant deorum suorū  
iubere responsa : Quam ob causam omnes reges  
usq; ad Ptholomei secundi tēpora / ipsis sacerdoti-  
bus non ui neq; armis coacti : sed ex ueteri quadā  
consuetudine ipsa uicti superstitione sponte paru-  
isse / et mortē oppetiisse traduntur . Quā ob rem  
hunc suæ tantæ pietatis in deos gloriantur fructū /  
mercedemq; tulisse : q; nihil illis hostilis icursus : ni-  
hil unq; inimicorū illis crudelitas obfuit . q; nunq;  
sub externarū gentiū sunt potestate redacti . Nam  
Cambises Persarum rex potentissimus : cum infe-  
stissimo bello eos semel aggressus fuisset : maxima  
suorū strage accepta totum pene exercitū turpiter  
amisit . Hercules ac Dionisius toto orbe peragrato

b.iii

Indorum  
religio in sa-  
cerdotes .

Ethiopū reli-  
gio in sacer-  
dotes omni-  
um maxima .

Ptholome-  
us secundus

Cambises .

Hercules .  
Dionisius .



Genesis  
liber.  
Ingens  
fames.

Ioseph patri  
archa.

Ethiopes pp eorum summā religionem itactos re-  
liquisse feruntur. In sacris quoq; codicib; nostris  
idem ferme traditur. In libro namq; Geneseos le-  
gimus: superioribus sæculis tam uastam tamq; iau-  
ditā famē uniuersum orbē inuasisse: Ut nusq; pe-  
ne frumenta seu cibaria alia inuenirent: quibus in-  
digentium posset inopiæ subueniri: Ea itaq; fa-  
mis rabies i ægypti maxime regionem uehementer  
oppresserat: et in ea crudelius ac dirius crassabatur:  
Adeo ut eiusdem regionis incolæ prædia sua i pos-  
siones recta i omnemq; suppellectilē pro emen-  
dis alimentis distrahere cogerentur. Quæ cum ob  
famis diuturnitatē atq; sæuitiā: eos quoq; defecis-  
sent: postremo ne ob ciborum inopiam misero cru-  
ciatu et inaudito mortis genere uita excedere cō-  
pellerentur: se ipsos quoq; potestati regię addixe-  
re. Quam ob rem Ioseph ille sanctissimus regis p-  
fectus cum iam immensam annonæ ad hoc ipsum  
copiam ante præparasset omnē terrā ægypti sacer-  
dotali dūtaxat excepta cūctosq; populos sub pote-  
state redegit Pharaonis. Ex quo quidē tempore us-  
q; ad Moïsem sacro id attestante elloquio quinta  
pars omniū fructuū in tota ægypti regione regib;  
soluebatur. Quæ autē ad sacerdotes tēplorūq; cul-  
tores ptinebāt: ea prorsus ab hac lege imunia præan-



serūt. Non solū. n. ingētia illis p̄dia cōtulerat Pha-  
rao: Verum ēt ex publicis horreis toto famis tēpo-  
re statuta illis cibaria p̄buit. Qua p̄p̄ nequaquā sicut  
ceteri omnes possessiones suas ac utensilia reli-  
qua uendere cōpulsī sunt. Quid Romanos cōme-  
morē? Non ne apud illos amplissima sacerdotia sa-  
crorū ministris constituta erant? Non ne summū  
illis studiū summaq̄ semp̄ uigilantia fuit non ser-  
uandæ solū uerum ēt āplificandæ religionis? Om-  
nia nāq̄ ut placet Valerio. Max. post religionē po-  
nenda illa ciuitas duxit: adeo ut ipsis sacris summi  
quoq̄ magistratus seruire non dubitarent. Ita de-  
mū se humanarū rerum imperiū ac principatū as-  
sequuturos existimabant: si diuinæ potentia religi-  
ose fuissent famulati. Verum q̄d nunc ista ulterio-  
us p̄sequar: cum oīa non solū sacrarū litterarū/ ue-  
rum ēt barbarorū uolumina istiusmodi monimen-  
tis et exēplis plena sint atq̄ ex omni parte referta?  
Itaq̄ uos ea legite: ea p̄currite diligenter: neq̄ sicut  
aiunt q̄dā sacerdotes deiq̄ ministros ueterū exē-  
plo inopes et mēdicos eē debere cēsebitis. Sed cōtra  
facilius iuēietis nullū uīq̄ tēp̄: nullāq̄ atate extitisse:  
i q̄ sacerdotes tā illiberaliter et idigne habiti fue-  
rint. At q̄ si prisci tā diligētes tāq̄ religiosi i errore  
fuerūt: quales i summi ueriq̄ dei cultu futuros fuif

Romani in  
sacerdotes  
quales .

Valerius Ma-  
ximus .



se arbitrandū est? Quales et nos quoq; esse debe-  
mus: qui non falsa idola / non demonia colimus / ut  
illi: sed maximū illum cæli terræq; ac cunctorū opī-  
ficem? Quā ob rem uellē pfecto serenissime prin-  
ceps pro meo in te ac uestrā rem Pu. studio / ut et  
animus tuus / et eorum qui in ea opinione uersan-  
tur / aliquando ad salubriora consilia capienda er-  
ga templa tēplorumq; cultores / et illis dicata bona  
resipiscerent: et si non maiorū exemplo: At saltē  
recentibus malis uestris / et rebus infœliciter gestis  
ad id plurimū excitari debetis. Vereor. n. ego nō  
parum ac pertimesco: ne si diutius uobis ea mens  
idemq; propositū infederit: pati ēt acerbiora cogal-  
mini cum melioris sententiæ uiri nonnulli ea uo-  
bis pmittant. Sic .n. et cōpluribus aliis infœliciter  
accidisse memoriæ proditū est. Refert siquidē di-  
uus Augustinus in eo quē de ciuitate dei edidit li-  
bro. Cum Rome pestilentia quædam grauissima  
mulierū simul ac pecoris exorta fuisset: adeo ut p̄-  
morientiū multitudine iam defecturum genus ani-  
maliū crederetur. Hiems īsuper illa tam incredibi-  
lis frigoris imāitate sæuiret: ut horrēdæ altitudinis  
niues p̄ dies quadragita p̄ter solitū in foro duraue-  
rint: et Tiberis plurima glacie cōstringereē: tum fe-  
runt fuisse responsum: q̄ ea esset pestilentia causa

. S . Augu-  
stinus .

Pestilentia  
ex retentiōe  
bonorū ec-  
cliaſticorū .



ga plurimas aedes sacras multi priuati occupatas tenerent. Quibus postmodum restitutis: tum demum tot clades/tot prodigia cessauere. Quintus est Fuluius flaccus auctore Valerio memorabile ob contemptam religionem exemplum posteris dereliquit. Hic. n. quis censor: nequaquam tamen tulit impune: quod in eo ipso magistratu regulas marmoreas ex Iunonis Locriae templo in eam quam Romae extruxerat ad eam fortunam impie transtulisset. Nam post hoc factum haud immerito aduersa est mentis ualitudine captus: neque deinceps ferunt rationis usum habuisse: sed propter summam animi egritudinem eum paulatim contabuisse ac miserime expirasse memoriae traditum est: cum ex duobus filiis in illirico militantibus alterum audisset e uita migrasse: alterum uero crudeli morbo affectum grauissime torqueri. Quo quidem casu Senatus Populusque Romanus non mediocriter commotus publico decreto censuit: easdem regulas fore locris deferendas: ut eo pacto et impium censoris opus emendaretur: et praclarum posteris exemplum praerberetur: immortalis deo semel dicata haud unquam esse absque nefario scelere submouenda: aut in alios etiam honestos et optimos usus transferenda: Si qui uero religione posthabita id impie presumpserint non sine graui stomacho Senatus se id pa-

.Q. Fuluius flaccus obcecatus propter direptionem sacrorum



Agessilai reli  
gio magna  
in templis .

tratuos cognoscerent: meritaq; pœnas se quando  
que daturus. Cōtra uero de Agessilao clarissimo i  
peratore ab Xenophōte philosopho egregie lucu  
lenterq; describitur: q; ipse semper templa qua ēt  
erant inter hostes summo studio sūmaq; diligētia  
uenerabatur: existimans imortalē deū nō inter ami  
cos solū sed ēt inter hostes pia religione colendū.  
Pariq; modo dei supplices atq; cultores ēt inimi  
cos nullo penitus pacto uexari patiebat. Absurdū  
quippe ac imanissimū scelus esse dicebat: ut quicq;  
ex tēplis delubrisq; diuinis unq; demeretur: aut eo  
rum sacerdotes damno seu aliquo afficerentur in  
cōmodo . Qua p̄ capitali admodū odio tales im  
pios talesq; sacrilegos semp̄ insectabat. Hoc nā  
q; pacto et hostes debellare et exercitū suū strenue  
deducere posse sperabat . Qd̄ q̄dem ita ēē ex eo  
facile satis conici potest: qd̄ de Mitridate in uita  
Luculli a Leonardo Iustiniano nobili cōpatritio  
uestro e græco in latinū traducta p̄clare describit̄.  
Dū. n. hic pedestrib; nualibusq; copiis urbē Cizi  
cenorū Populo Ro. confederatā ingenti manu es  
set aggressus : oborta illico tēpestare deficientibus  
q; cibariis a Lucullo turpiter p̄fligatus est: maxia  
exercitus sui parte in ea pugna trucidata atq; con  
sumpta . Mitridates uero dum saluti suæ sola fuga

Mitridates a  
Lucullo ob  
templum Di  
anae expolia  
tū p̄fligatus  
Ciziceni .



consulere nititur: tam ualida iterū tēpestāte obru-  
tus est: ut relictā nauī quæ ob pcellæ magnitudinē  
iam iam naufragiū subitura uidebat se se necessi-  
tate coactus pirratis cōmitteret . Eam uero tantā  
cladē tantamq; calamitatē ferunt non īmerito illi  
intullisse Dianā: quā ueluti deā et aliqd ī se numi-  
nis habere arbitrabant: quia uidelicet īpiis manib;  
maxima cū religionis iniuria atq; dedecore eius te-  
plū expoliare : eiusq; simulacrū inde detrahere p-  
sumpsisset. Non minus sane horrendū in Roma-  
norū exercitu ob similē causam aliud cōtigisse me-  
morañ . Nam cū Carthago illa Romanis inimicis-  
sima ui tandē ab eis esset oppressa: Romanus mi-  
les quidā contēpta religione in ea ipsa urbis direp-  
tione sacrilegiū perpetrare non timuit . Appolli-  
nis .n. statuā qui ueluti deus ab omnibus colebat  
aurea ueste nudauit. Sed nefarii sceleris debita sup-  
plicia diutius non effugit . Nam sapienti iustoq;  
cōsilio egit æquissimus deus : ut sacrilegæ manus  
inter fragmenta uestis inuenirentur abscissæ: quo  
doctiores in posterum ceteri redderentur : q̄ maxi-  
me a reb; sacris atq; diuinis abstinēdū esset . Ex sa-  
cris quoq; libris istiusmodi exēpla q̄ plurima affer-  
re possumus: p̄cipue uero ut ī Machabeorū libris  
contineñ pulcrū nobis ac p̄clarum p̄stat exēplum

Carthago .

Militis cuius-  
dam. Roma-  
nus ob sacri-  
legium inue-  
te abscissæ.



Anthiocus  
rex ob con-  
temptam re-  
ligionem a  
deo percussus

Anthiochus rex ille scelestus : qui tanta superbia /  
tantaq; arrogantia se supra humanū modum extu-  
lerat: ut sibi ēt uideretur fluctib; maris posse impi-  
rare: et ipsa celi astra cōtingere. Hic itaq; cōtemp-  
ta ueri et aeterni dei sacra religione / maximū illud  
ac celeberrimū iudeorum tēplum sacrilegis nefan-  
disq; manibus expoliare non timuit . At qui diuini  
nam ultionē: quā se facile effugere posse sperabat  
diutius non euasit . Subito namq; tam dura tāq;  
horribili percussus est plaga: ut de impiissimi corpore  
uermes scaturirent: et horrendo admodū cruciatu  
uiuentes eius carnes effluerent . Hac igi; tam ma-  
nifesta tamq; diuina ultione cōmonitus ad sui tan-  
dē cognitionē deductus ē . Postremo uero cum su-  
um ipsemet fetorē ac cruciatū ferre non posset: iu-  
stū est inquit subditū esse deo : et mortalē non pa-  
ria deo sentire. Templū insuper cuius paulo ante  
ornamēta ac ꝑciosissima uasa impie abstulerat se  
multis optimisq; munerib; ornaturū ēē ꝑmisit: ip-  
sosq; sūptus ad sacrificia ꝑtinētes de redditib; su-  
is se cumulate ipensurū: et se insup iudeū facturū  
esse sponpondit. At cū ob imania scelera maximaq;  
sacrilegia sua misericordiā cōseq; idignus existeret  
scelestē uitā digna morte finiuit. Ast heliodoro re-  
gis legato ut i eodē libro legi; simili cā eadē ꝑꝑe

Anthiochi  
mors.  
Heliodo-  
rus .



contigere . Is namq; a rege ad diripiendam tēpli  
pecuniam missus: dum iniunctum sibi negotium  
strenue perficere nititur: quicūq; eius sacrilego im  
perio parere ausi fuerunt: extemplo diuina quadā  
uirtute ruentes in dissolutionē formidinemq; con  
uersi sunt. Heliodorus autē e caelo quodam sibi nu  
mine apparente subito in terram deiectus uariis ē  
confectus uulneribus: Quam ob rem omni salutis  
spe destitutus ex eo ipso loco quē paulo ante sum  
ma superbia summaq; iactantia īgressus fuerat ma  
xima satellitū stipante caterua a paucis postmodū  
semianimis extractus est : Sed paulo post reddita  
sibi sacerdotum orationibus pristina insperataq; sa  
lute: cum multa uouisset īfecto negotio ad regem  
cum exercitu remeauit: Vbi cum ea quæ sibi appa  
ruissent e caelo/ et quæ ī se ipso expertus fuisset opa  
magni dei ubiq; priuatim ac publice testaretur |  
a rege interrogatus est: quis nam hac de causa Hie  
rosolimā iterū mitti sibi aptus uideretur . Si quē  
inquit habes hostem aut regni tui insidiatorem il  
luc eum transmittito . Eum enim si tamen uiuus  
euaferit flagellatum recipies: q; in eo ipso loco ue  
re sit quadā uirtus caelestis atq; diuina. Nam maxi  
mus ille cæli terræq; creator: q; sūmo consilio sum  
maq; sapientia omnia regit moderañ atq; gubernat

Heliodorus  
a deo pcul  
sus .



Heliodori  
uera confessio

Experto cre  
dendū tibi .

Qualiter  
habeātur sa  
cerdotes ho  
rū temporū

eiusdem loci custos / acerrimusq; defensor existit.  
Quicūq; igitur spreta religione uim aliquam eidē  
intulerint / impias ue in eum manus iniecerint ; ne  
quaq; sibi putent impune futurum . Tales et . n . eo  
usq; insequitur ; uariisq; calamitatibus et cruciatu  
bus afficit ; quoad perpetrati facinoris luant meri  
tas pœnas atq; supplicia : huius uero rei ego ipse op  
tinus testis existo ; qui hac de re paulo ante in me  
metipso periculū feci . Vereor profecto Serenissi  
me princeps : ne quod Heliodoro accidisse diximus ;  
id quoq; qui sacrarū rerum tributa exigunt aliquā  
do ifœliciter eueniat ; tū quidē quia id agūt ; a quo  
si recte saperent procul dubio abstinerēt ; tū uero  
maxime quia id ipsum a plerisq; sūma imodestia ;  
nullaq; religionis aut inopix habita ratione agūt .  
quod tamen ab illius uestri inclyti sapientissimiq;  
senatus uoluntate lōge arbitror abesse . Ut scilicet  
in huiuscemodi exactionibus sacerdotes / deiq; mi  
nistri ; qui perpetuo studio cultui diuino p̄ omniū  
salute uacant / aliquā prorsus iniuriam patiantur .  
Verū id priuatorū cōsiliis fieri magis ascripserim ;  
q̄ hoc quidē pacto hocq; inhonesto ministerio il  
lustrissimo Senatui uestro gratificari cupiūt . Qua  
pp̄ se in exigendo austeros rigidos et inhumanos  
p̄stare conantur . Nisi . n . ad diē prefixū pecuniæ p̄



sto sint: adsunt saevi exactorū ministri: i miseros sa-  
cerdotes ipetū faciūt: cōuiciis lacerant/ obprobriis  
onerāt: cōtumeliis uariisq; calūniis sauciant: Eorū  
substātiā ac suppelectilē asportāt/ diripiūt: auctōni-  
bus uendūt: plus fere i p̄dā q̄ in solutōnis sortē ce-  
dit. Heu omībus retro seculis inaudita impietas. O  
sūma crudelitas omni supplicio uīdicāda. Hæc ne  
xp̄iano nōi conuenire censenda sunt? Existimare  
debemus deū tāta facinora cōtēnere posse? Cætera  
qdē peccata et si grauiā: ueniā tamē aliquādo pla-  
cato deo cōtritione merent̄: Sed ubi rebus sacris ui-  
olētas manus inieceris: tū deniq; deum iratū expa-  
ueas. Adest. n. subito uīdex impietatis: ac debitas pœ-  
nas illico districto et horrēdo iudicio reposcit. Nūc  
uero ad huius rei maiorē certioremq; scientiam sa-  
tis cōmode referri posset infelicissima. Cn. Pom-  
pei clades atq; iactura: cui primo tantum fauit at-  
q; arrisit secunda fortuna: ut iuxta Ciceronis sentē-  
tiam nemo unquā tam imprudens arbitrandus sit  
aut fuerit: qui a deo imortali tot ac tantas res taci-  
tus auderet optare: quot et quantas ad . Cn. Pom-  
peium plenissime deus ipse cōtulerit. Verum tamē  
quia secundum Liuium patauinum ac Iosephum  
totius hebraicæ historiae scriptorem luculentissi-  
mā templi Hierosolimitani facultates ac dona

Ingens im-  
pietas .

Cn. Pom-  
peius .

Cicero .

Liuius .  
Iosephus .



Pópeii exi /  
tus ob tem  
plū Hiero  
solimis ex  
poliatum .

M. Crassus

profana impietate diripere conatus est: miserandū sibi postea exitum comparauit. Quā enim tristi ac infœlici pugna in Thesalia aliisq; locis cum Iulio Cæsare decertauerit: nec non q̄ miserabiliter a puero Ptolomeo in quo maximam ac præcipuā spē collocauerat occisus atq; truncatus fuerit satis exploratū habemus. Paria ac ut sic dixerim sororia istis etiam. M. Crasso contra Parthos Romanis infestos bellum gerenti euenere. Is enim ad bellum proficiscens cū illud idem iudeorum templum diripuisset: atq; sicuti Iosepho placet inter cætera auream trabem templi centum et quinquaginta minarum auri confregisset: et i militum sumptus impie conuertisset: adeo infœlici postmodum et infauitissimo bello contra ipsos Parthos decertauit: ut iter maximas ac grauissimas Romanorū clades ac iacturas non immerito connumeretur. Primo. n. filius optimæ indolis ante carī parentis oculos Parthicis telis extinctus est. Plurimæ deinde pulcherriam legiones totius Romanæ militiæ decus miserabili sunt strage confectæ. Multa preterea eorū signa hostilibus manibus intercepta: reliquus uero exercitus qui tantæ cædis superstes extitit quemcunq; rapuit fuga in Armeniā Ciliciam Siriamq; distractus est. Postremo Crassus ipse satis q

M. Crassus  
ob tēpli Hie  
rosolimitāi  
direptiōem  
ppria ma  
nu cōfossus.



dem iusto optimi dei iudicio ab hostibus captus  
crudeles sibi magis delegit manus inicere: quā uiuus  
barbarorū manibus turpiter abduci: Nam uirgā  
quandam qua equum urgebat in oculū suum ipse  
met altius impressit: Sicque confossus duro mortis ge-  
nere impiam animam efflauit. Cum uero perditū  
eius caput una cum dextera manu a barbaris esset  
abscisum et ad regem Aristonicum deportatum:  
summo hostibus ludibrio fuit: et uti uiro de rebus  
sacris pessime merito aurū liquidū in os eius iustif-  
sime infusum est: Ut cuius animus nefaria sacri au-  
ri exarserat cupiditate: etiam eius mortuum et exā-  
gue corpus auro ipso adureretur. Talia sunt igitur  
munera: talia premia: talisque mercedis retributio  
eorum qui res sacras diuino cultui dedicatas dirri-  
pere sibi que uendicare: aut in alios eas usus distrahe-  
re presumunt. Verum sicut istis ob contemptam re-  
ligionē graues ultiones legimus inflictas: ita quoque  
piis cultoribus ingentia primum felicesque rerum suc-  
cessus æquissimo dei iudicio fuisse concessos. De  
Alexandro quippe Macedone inuictissimo rege  
memoriæ proditū est: eum erga res sacras cerimo-  
niasque diuinas liberalissimū semper ac munificen-  
tissimum extitisse. Cū enim adhuc admodū iuue-  
nis esset ætate inter sacrificandū utraq; manu thui-

Crassi mor-  
tui in os ob  
maiores uin-  
dictam aurū  
liquidū fusu

Alexander i  
res sacras li-  
beralissimus



Leonidæ in  
Alexandri  
redargutio.

Alexandri  
pulchra re  
sponſio.  
Aurea uerba

Alexandri in  
ſacerdoté ia  
dum ingens  
humilitas.

ra ac preçioſa odoramenta pro ipſis ſacrificiis diui  
nis exciperet: tum Leonidas inquit. O Alexander  
cum terris ferentibus aromata imperitabis: hoc pa  
cto tam large tamq̃ effuſe euaporare poteris. At  
impresentiarũ conſulte rebus utere partius. Tum  
Alexander. O Leonida id a te potiffimũ expeto:  
Vt ſi ſecunda peroptas: cum ſacris numinibus par  
cus eſſe deſiſtas. De eo quoq̃ in Iosepho legitur:  
ſicut et in aliis quoq̃ ueteribus hiftoriarum moni  
mentis paſſim traditur: multa ac inſignia ſacratif  
ſimo illi iudeorum templo eum munera cõtuliſſe:  
et maximo deo noſtro / propriis manibus immolaſ  
ſe. Tanto inſuper honore / tantaq̃ reuerentia Iad  
dum ſummum illius templi ſacerdotem proſequu  
tus eſt: Vt etiam humi ſtratus eum adorarit. Iuſ  
ſit deniq̃ ut iidem ſacerdotes / templiq̃ miniſtri:  
quicquid uellent libere poſcerēt. Inter cætera ita  
q̃ ingentia dona: hoc quoq̃ illis contulit: ut genti  
illi perpetuo patriis liceret legibus uti: nec non ut  
per ſeptem annos / uniuerſa iudeorũ gens ab omi  
ni prorfus tributorum onere libera eſſet / et immu  
nis. Poſtremo uero ſtatuit: ut quiſquis ex hæbreo  
rum gente ſecũ militare decreuiſſet: ſumma huma  
nitate / ſummoq̃ ab omnibus honore coleretur.  
His itaq̃ omnibus hoc modo pactis: quaſi diuina



uirtute cōmunitus / magno tunc animo aduersus  
 Indos strenue mouit exercitū / summaq; et incredi-  
 bili celeritate Porrū illum potentissimū / ac pene ī  
 superabilem indorū regem insigni uictoria supera-  
 uit. Non possum profecto hoc loco insignē illum  
**Themistocle** non summis attollere laudibus : quē  
 inter ceteras eius illustres / maximasq; uirtutes / q;  
 bus egregie praestitit hac precipue religionis / diui-  
 narumq; rerum obseruantia ceteros aetatis suae ui-  
 ros antecelluisse constat . De eo quippe memoriae  
 proditum est : q; cum a publicis rebus gerendis ua-  
 cuus esset si quid sibi ocii daretur : illud plerumq;  
 ad splendidos sacrarū aedium apparatus / et deorū  
 tēplis affixa donaria / curiose et accurate uisenda  
 cōferre solebat . Quare omni diligentia / omniq;  
 cura inspectabat : ne quid unq; quis demoliretur :  
 ne qd usq; deesset : qd ad deorū religionē / et cultū  
 optime nouerat p̄tinere . Quā ob rem si ii de q;  
 bus nunc diximus tam deuoti / tamq; religiosi sup-  
 scritiose diis falsis obsequendo fuerunt : q̄to magis  
 nos Christiani id agere debemus : qui ueri et aeter-  
 ni dei cognitionem tenemus ? Qua inq; cura / qua  
 diligentia / quo studio / quo conatu / qua pietate /  
 et obseruantia excolenda nobis est uera et indu-  
 bitata religio ? Qua uerus ille caeli terraque

Alexander  
 pp sacerdo  
 tes bene habi  
 tos / Porrū  
 Indorum re  
 gem uicit .  
 Themisto-  
 des omnium  
 aetatis suae re  
 ligiosissimus

Quis est  
 hoc in nobis  
 uult habere  
 propitius



creatori et rector colitur et adoratur: Qui non solum nobis cuncta hæc terrena / ac temporalia bona / fœlicesq; rerum euentus sine cuiusq; adminiculo iugiter prestat: Verum etiã animis ipsis / cum e corporum custodia excesserint beatam immortalitatem / ac æternam tribuit fœlicitatẽ si tamen uitã hanc recte laudabiliterq; duxerimus: quæ quidem dii illi gentilium non solum cultoribus suis prestare non poterant: Verum etiã in nullo prorsus absque dei nutu illis p̄desse aut obesse ualebant. Si qua uero cõmoda / aut etiam detrimenta eos aliquando hominibus legimus intulisse id solius dei et eo quidem equiori quo secretiore euenisse permissione firmiter sentiendũ est. Neq; enim quicq; in hoc mundo fieri aliquando potest absq; eius imperio: qui solus est omnium rerum fons / origo / primumq; principiũ: qui solus hunc mundum regit / moderatur / et mouet. Quo circa longe quidem maiori studio propensioriq; diligentia nobis enitendum est: si deum ipsum bonorũ omnium largitorem optamus habere propiciũ: ut religionis / ac diuini cultus integritas accuratius obseruetur: ne quid impium erga templa / ac deo dicata bona / ne quid a nobis erga sacerdotes / deiq; ministros peragatur indignum. In quod quidẽ im /

Qualis esse  
debet qui deũ  
uult habere  
propiciũ.



pietatis genus si quando prolabimur certo nouerimus eadem nobis infligenda esse supplicia: quæ falsos illos deos: immo uerum deum per ipsos contemptoribus suis intulisse antea diximus: et eo quidem atrocius et grauius: quo maior est / ac scelestior offensa ueri summiq; dei quàm demonum falsorumq; deorum. Quam ob rem animaduertite nunc quaeso Clarissimi Veneti. Animaduertite inquam æquo / claroq; rationis intuitu: quomodo prospere ac secunde / deum ac ipsa dicata bona uenerantibus omnia successere: Quam etiam infeliciter / contententibus / uel impie profanantibus: neque mirum uobis profecto uidebitur: si parum prospere uobis res uestræ succedunt: si qua incommoda / ac pericula: si quam cladem / ac calamitatem: si quam iacturam et pressuram sustineris. Non enim eiusmodi sunt hæc uestræ diuinarum rerum exactiones: quæ uobis dei omnipotentis auxilium implorent. Non quæ imminentem uindictam et ultionem auertant. Non tales proculdubio sunt quæ uobis uictoriam ac felicem euentum belli promittere queant. Longe profecto uos uestra fallit opinio: Si sic opinamini: si sic uobis persuadetis uestro ( mihi credite ) uos inquam uestro mucrone conficitis. Neque enim hæc uobis ut antea diximus / aliud quod afferunt adiumentum sed magis perinde ac



Trogus Pó  
peius.

Brenus dux  
Gallorum.

Brenus ad di  
ripiendum  
apollinis tē  
plū propans  
Dei iudicio  
uulneribus  
multis affec  
tus se ipsum  
interficit stra  
to prius exer  
citu.

Pyrrhus sa  
cros thesau  
ros asportans  
nauffagium  
passus eos re  
stituit.

letale uenenum plurima detrimenta / maximasq;  
iacturas . Non hæ deniq; diuinã iram demulcent:  
sed puocant magis / et assiduis clamoribus expo /  
scunt. Legimus sane aliquãdo apud Trogũ Põpe  
ium: uirũ eloquẽtissimũ / summaq; auctoritate cõ /  
spiciũ: Regẽ quẽdam gallorũ noie Brenũ / cũ Ma  
cedones bello deuicisset / quasi terrena iã sibi spolia  
sordescerẽt / animũ ad deorũ tẽpla spoliãda cõuer  
tisse / scurriliter quidẽ iocatũ Locupletes deos ho /  
miuibus largiri oportere. Cum igitur delphos ad  
Apollinis tẽplũ dirrapiẽdũ pperasset: ubi maxima  
uis erat auri / atq; argenti: subito exorto terremotu  
montis non modica pars abrupta ẽ: quæ uniuersũ  
fere gallorũ strauit exercitũ. Dux uero Brenus cũ  
uulneribus plurimis affectus et ipse fuisset / atroci  
tatẽq; doloris amplius tollerare nõ posset: se ipm  
pprio pugione peremit: Sicq; ob ausum scelus de /  
bita supplicia / digna morte psoluit. Pyrrhus uero  
cũ Locrẽses ex thesauro deæ Proserpinæ / magnã si  
bi pecuniã dare coegisset: Cũq; hac nefaria preda  
onustus enauigaret: uĩ subitæ tẽpestatis tota cum  
classe / uicinis deæ littoribus totus illisus est: in qui  
bus deinde reperta pecunia denuo / thesauri custo  
diæ restituta est. Verum quid ista longius prose /  
quor? Vereor enim si cuncta antiquorum exẽpla /



huic proposito nostro accommodata / presenti ser-  
mone cōplecti uoluerō / me scribendi modum ex-  
cessurū: tot namq; sunt: ut pre eorum multitudine  
uix enumerari queant. Omitto itaq; illud. Q. Cæ-  
pionis exemplum qui consul cum tholosanū oppi-  
dum diripuisset: multumq; auri / et argenti in eius  
oppidi templis compertum fuisset: quisquis in ea  
dirreptōne aurum cōtingere presumpsit / horribili  
statim dolore / ac cruciatu e uita migrando perpe-  
trati sacrilegii pœnas meritas dedit. Omitto Xersē  
Persarū Regē: qui quatuor armatorū milia misit  
Delphos ad Apollinis templum dirrapiēdum / atq;  
uastandum. Quæ quidem multitudo imbribus to-  
ta atq; fulminibus deleta est / penitusq; consump-  
ta: Ut uel sic intelligeret Xerses / quanto maior  
esset deorum iniuria: tanto nullas aduersus de-  
os esse hominum uires / atque conatus. Quæ sa-  
ne uīdicta / iis quoque temporibus satis accommo-  
dari posse uidetur. Itidem namque uobis fere sæ-  
pius euenisse conspiciamus: ex quo ecclesiarum bo-  
na tollere et in stipendia ea militum erogare cœ-  
pistis. Non solum enim / ut uos metipsi quoque  
optimi testes esse potestis / onerariæ naues in /  
genti bellico apparatu / multis uariisque bellicis

c. iiii.

.Q. Cæpio.

Vindicta in  
gens in sacri  
legos.  
Xerxes.

Quatuor mi-  
lia ad spolian-  
dum Apolli-  
nis templum  
missa fulmi-  
nibus deleta  
sunt.



ornamentis onustæ: demissis e cælo fulminibus ua-  
riis tempestatibus | uariisq; periculis : miserabile p-  
tulere naufragium . Verum èt multa hominũ mi-  
lia/multis incõmodis / ac calamitatib; oppressa in-  
fœliciter corruerunt: adeo ut nulli uel pauci admo-  
dum: quos ad hoc bellum contigit proficisci salui/  
icolomesq; redierint . Vnde quæso Clarissimi Ve-  
neti hæ tantæ clades ? Hæ tantæ hominum cedes ?  
Vnde tot incommoda/et aduersa ? Nisi propterea  
q̃ non aduersus homines tantum ; Sed aduersus  
deum / eiusq; cultum geritur hoc bellum ? Sed de  
hoc satis . Nunc enim ad hæc tempora nostra con-  
uertenda est oratio: et domesticis exemplis claudẽ-  
da . Non solum enim antiquorum nobis exem-  
pla sufficere debent ; si et nostra quoq; commode  
afferre ualeamus : Presertim cum multos dicturos  
non dubitem . Cur nobis gentilium / totq; sceler-  
tissimorum deorum exempla proponis ? Cur inq̃  
nobis eorum q̃ a uera erant diuinitate semoti / ul-  
tiones adducis ? Quibus cõmode satis et opportu-  
ne respõdendũ est: a me id circo istiusmodi deorũ  
exẽpla cõmemorata fuisse ; Vt facilius inde/planĩ  
usq; perciperemus : q̃ acerrimus sui ipsius uindex  
esse debeat noster imo omniũ deus in eos: qui cul-  
tui suo dedicata bona ipie dirripere | et in alios ea

Qualis deus  
noster i sacri  
legos erit: cū  
ii q non sunt  
dii tales fue-  
rint .



usus trāsferre presumunt. Ex quo ii q̄ falso dii uo-  
citabātur et erant: q̄ q̄ omni p̄sus diuinitatis nu-  
mine carebant / tam sauas ultiones / tamq̄ p̄nitio-  
fissimas clades / ob eorum sp̄retā religionem / ac sa-  
crarū rerum impiissimā direptionem . Tales inq̄  
dii / immo uero magis deus ipse p̄ eos traditur in /  
tulisse . Cur autē id fieri p̄miserit æquissimus de-  
us: ut hi qui demones magis erant q̄ dii / ab homi-  
nibus tam graues / tamq̄ manifestas p̄enas exige-  
rent : ea potissimū ratio fuit: quia nimirum quod  
erat in eis ueram religionē ueramq̄ diuinitatē con-  
tēbant: quādo ea ipsa idola uariis sacrilegiis / et  
impietatibus aspernaban̄: quæ licet falso : Veri ta-  
mē dii uulgo credebant̄: et ab his maxime : q̄ faci-  
nora talia p̄petrabant: et non nihil numinis p̄sefer-  
re uidebātur. Quā ob rem diuinitas ipsa istiusmo-  
di contēptus / et iniuriæ debita supplicia / haud im-  
merito reposcebat . Cum nunc uero talis ignorā-  
tiæ remota caligine / p̄ huiuscemodi scelera directi-  
us cōtemnat̄: grauiora quoq̄ / et acerbiora tormē-  
ta suis cōtēptorib̄ ifliget. Sed nūc tandē ad nostri  
tēporis hoīes unde digressi sumus reuertat̄ oratio.  
qd̄ igit̄ cladis et infœlicitatis ipiissimo Federico se-  
cundo cōtigerit / ob ecclesiæ uiolatā libertatē / id ne  
quaq̄ opus est multis uerbis exprimere . Id. n: uni

Federicus se-  
cundus .



Soldanus  
Aegypti prin-  
ceps.

Federicifecū  
di ob sacrū  
direptionem  
exitus.  
Cararienses  
principes.

cuiq; historiarū perito satis est cognitum. Nā cum  
ab Innocentio pontifice tertio / ad imperii digni-  
tatē euectus esset: crucemq; pro expeditione cōtra  
Christianorū hostes assumpsisset: tum isano atq;  
pestifero ad sui ruinam suscepto consilio / in eccle-  
siastica / ac deo dicata bona conuersus: ea dirripere  
et in profanos usus transferre non timuit. Hic ita-  
q; ad eam usq; cecitatem / ac nefandā rabiem p̄lap-  
sus est: ut cum maximo Egypti principe / quē Sol-  
danum uocitant / ad religionis / et ecclesiarū euersi-  
onē / sacrilegas pactiones inierit: cōsenseritq; p̄sus  
a quibus religiosæ ac christianæ menti summopere  
esset abhorrendū. Atqui debitas pœnas perpetrati  
sceleris diutius non effugit. Nam post multarum  
urbium dirreptōnē / post multas atq; diuturnas cū  
Romana ecclesia dissensiones: post innumeras sa-  
crarum rerum prædas / post multa deniq; / ac ima-  
nia sacrilegia proprium filium suspitione affectati  
imperii teterrimis carceribus adactū crudeliter diē  
suum obire coegit. Ip̄e deniq; grauib; ecclesiæ cē-  
suris affectus execrabiliter uti par erat a Manfredi  
naturali filio suffocatus est. Non pretermittā hoc  
loco Carrariensium principum in simili impietate  
non dissimilem calamitatem: nam cum rerum sa-  
crarum usum / ob pestiferum ab eorum emulo ac /



ceptū cōsiliū sibi ipse uēdicassent: īperiū postea ac  
ip̄am celeberrimā urbē patauiū / et natura / et ope  
munitissimā: quæ uix expugnari posse cēsebat / fa  
cillime amiserūt. Neq; .n. mentitus ē ille q̄ ait Nisi  
dominus custodierit ciuitatē frustra uigilat q̄ cu /  
stodit eam: et nisi dominus exercitū iuuerit: inua  
nū p̄fecto laborat: q̄ illum prudētia sua deducere  
nitiť. Sic illa quoq; sancta Iudith cum īsolentissi  
mi caput Olofernis p̄prio eius mucrone detrūcas  
set / egregie domino p̄cinebat. Non ī multitudīe  
est uirtus tua domine: neq; ī equorū uirib; uolun  
tas tua: sed humiliū semp et mansuetorū tibi placu  
it deprecatio. Quā ob rem si uos quoq; in maxi  
mo ac splendido nauiū apparatu spem uestrā loca  
ueritis: neq; bonis operibus ac sacrarū rerū diligen  
tiore cultu deum placare cōtenderitis: satis p̄fecto  
p̄timescēdū est: ne irato eo frustra uobis belli uicto  
riā promiseritis: Cum iuxta illud insigne oraculū  
inuictissimi Dauit ī domino magis cōfidendū sit  
atq; sperādū. Sic qppe dicebat. Hi ī curribus et hi ī  
eqs: nos aut ī noīe domini dei nostri uictores erit  
mus. sic p̄fecto maiores uestri hostes suos terra ma  
riq; strenue debellarūt. Sic crebras uictorias ac glo  
riosa retulere trophea: ceterū cōsiliū nūq̄ inire uo  
luerūt: ut res sacras / ac religiosorū bōa cōtigerent

Patauiū a ca  
rariensibus  
amissum ob  
rerū sacrarū  
usum sibi uē  
dicatum.

Iudith.  
Olofernes.

Dauit.

Optimū con  
siliū p̄isco  
rū uenitorū.



Philippus  
Maria ,

Philippus  
Maria / et re  
gni maxima  
parte et fau  
tate corpora  
li / et poster  
itate familie  
sue ob sacro  
rum direptio  
ne priuatus .

aut bellicis ea usibus traderet . Percurrite uos isto  
rias uestras Annales et monumeta uersate : nunquam  
illos iuenieris / ex rebus sacris belli sibi parasse sub  
sidia . Postremo uero ante oculos uobis Philippi  
Mariæ recens proponatis exemplum : quod cum secundos  
admodum in rebus suis successus habuisset : et omnia si  
bi pene ex sententia contigissent : Ad eam deinde insaniam  
/ eamque dementiam animum inclinauit : Ut eccle  
siastica bona sibi absque timore uedicare presumeret .  
Sed ecce quam pulchre debitas penas exsoluit : Non  
solum .n. multis / assiduisque bellis defatigatus imperii  
sui partem non modicam amisit : et inimicos suos pro  
pe niceniam propria ciuitatis discurrentes audiuit . Ve  
rum et in corpore suo graues / acerbosque protulit mor  
bos : adeo ut lumine oculorum orbatus infelicem admo  
dum longo tempore egerit uitam . Quam uero exitum ha  
buerit eius imperium : quo ue pacto illius illustris fa  
milie posteritas extincta sit nullaque in eo relicta sit  
dominii successio unicuique ob rei ipsius recentem  
memoriam satis potest esse perspicuum . Quorsum  
igitur tam multa tam longo ac uario sermone con  
scripta ? Quorsum tam innumera gentilium et  
paganorum pariter ac Christianorum exempla ?  
Hæc omnia nepe Serenissime Princeps Vosque Cla  
rissimi Veneti pro meo in uestram rem P. studio /



et amore commemorasse / ac breuiter perstrinxisse  
uolui: tum quidem: ut eorum animus | qui in hac  
sacrarū rerum rapiendarum opinione uersantur:  
et priscorum exemplis | et rebus a se infœliciter gel-  
stis ad saniora | melioraq; consilia capienda rescipi-  
scat: Tum uero ut unusquisq; optime intelligat:  
nullum unq̄ non solum nostrorū: Verum etiam  
antiquorum temporū inuentum fuisse: qui deo di-  
catis rebus | impias quandoq; manus admouerit:  
cui longo tēpore res suæ prospero | fœliciq; cursu  
sucefferint: aut is non statim meritas pœnas exsol-  
uerit. Quod utinam a uobis imperioq; uestro a-  
uertat clemētissimus deus. Quas ob res ne in lon-  
gum nimis nostra protendatur oratio. Vereami-  
ni uereamini et uos Clarissimi Veneti si in hoc ue-  
stro proposito diutius perstiteritis: ne tot impendē-  
tibus malis ac periculis | grauiora etiā subire ac to-  
lerare cogamini. Non arbitremini id uobis magis  
q̄ ceteris impune futurum: Lento enim gradu ad  
sui uindictam diuina procedit ira: tarditatēq; sup-  
plicii pœnæ grauitate compensat.

Nunq̄ profecto a p̄stantibus in re publica guber-  
nanda uiris laudata est in una sentētia imota p̄mā-  
sio: Sed ueluti in nauigando | si portum tenere nō  
queas tēpestati obsequi artis est: Cum uero id mu-

Nullus unq̄  
sacrilegus  
diu de sacrile-  
gio gauisus.



rata uelificatione assequi ualeas / stultum profecto  
est / et insanū eum cum periculo cursum tenere :  
quem prius cœperat . Sic nempelet in administrã  
da re pu. gerendum est. Neq; enim idem semp cõ /  
siliū / eademq; sententia sequenda est. Sed quod  
honestum / quod utile / quod fœlicē rei pu. digno /  
scitur afferre successum. Id certe sequendum / id  
amplectendum : et in eo diutius firmiter permanē  
dum . At uero si id rei pu. perniciosum esse discer  
nitur : fatuum profecto esse / ac temerarium unus  
quisq; sanæ mentis itelliget : id cum periculo seq :  
quod possis cum salute / ac gloria declinare . Nūc  
igitur clarissimi ueneti me salutis uestre cupidissi  
mum exaudite . Vobis uestrisq; rebus melioribus  
consiliis succurrite. Venetorum nomen toto orbe  
celeberrimum / sanctōribus institutis custodite. Va  
rias uobis impendentes procellas / ac tēpestates / sal  
lubrioribus remediis amouete. Ut talibus cõsiliis /  
talibusq; sententiis / et rebus uestris / et uniuersæ p  
uideatis rei pu. Christianæ : Cuius salus e uestra  
dependet.

FINIS . . . . .

Optimū con  
siliū attendite  
Veneti .



Questio disputata per .D. Celsum Veronensem  
Canonicū regularē cōgregationis lateranen. uide  
licet An aliqua res pu. possit conducere iudeos ad  
fœnerādū sine peccato | et ēt an Papa ualeat cōce  
dere q̄ id fieri possit sine peccato .

**A X I M A** Controuersia | atq; dubi  
tatio Paduæ fuit: An aliqua res pub. pos  
sit cōducere iudeos ad fœnerādū sine pec  
cato. Et an papa/ uel uniuersalis ecclesia  
posset id concedere fieri sine peccato. Et quia ali  
qui theologorū | et canonistarū ausi sunt temere  
affirmare q̄ sic/ supponētes et affirmātes q̄ iudei  
possunt fœnerari sine peccato: Ideo primo queren  
dū ē: An iudei possint exercere usuras sine pecca  
to. Primo dicendum q̄ falsum est q̄ iudeus possit  
exercere usuras prout usuræ sunt/ et hoc sine pec  
cato: imo nullus omnino hoīum ēt paganorū gēti  
liū/ et quorūcūq; rō ē qa usura ē cōtra legē naturæ  
quæ oēs hoīes obligat et semp obligauit et obligat  
bit. Nam contra legem naturæ non cadit dispensa  
tio: qa omne decēs ī ea icludiť: Vnde lex naturæ se  
cūdū qd' magis obligat q̄ ius diuinū: Nā cōtra ius  
diuinū aliq̄do scā ē dispēsatio ut patet d̄ p̄ceptis ce  
rimonialibus/ ut de sabbato et ce. Sed nō cōtra ius  
naturæ: qa eēt dispēsatio cōtra omnē decētiā cōtra

Ius nature  
quō magis  
obligat q̄ ius  
diuinum .



Richardus.

omnem ordinem naturalem \ cōtra omne dictamē  
rationis/ et contra omnem moralitatem. Vnde Ri  
chardus de media uilla in quarto .di. xvii. ar. ii. q.  
vii. dicit q̄ omne quod est de iure naturæ/ est de iu  
re diuino: quia deus creauit naturam/ et ius in na  
tura: Sed non omne quod est de iure diuino est de  
iure naturæ/ ut patet in multis cerimonialibus quæ  
aliquo mō etiam primis p̄cipiis naturalibus non  
erant conformia / sed magis repugnabant secūdū  
quid: licet non omnimode: Ideo mutata sunt et  
potuere mutari. Tamen ī glo. di. i. c. ius naturale.  
Videtur etiam poni q̄ omne / quod est de iure di  
uino est de iure naturæ: sed nō ibi stricte accipitur  
ius naturæ: sed large uidelicet inquantū etiam na  
tura dīctat / ut pareamus deo / quoquo pacto ali  
quid p̄cipienti et cet. Ob quam quidem rem: quic  
quid fuit in lege ueteri/ quod fuit secūdū ius na  
turæ proprie acceptum/ non fuit mutatum nec po  
tuit rationabiliter mutari / et modo obligat et sēp  
obligabit / nec papa contra tale ius potest dispen  
sare. Vnde bene dixit hugo de sancto uictore li. i.  
de sacris par. xii. q̄ precepta alia sunt mobilia alia  
immobilia: mobilia sunt: quæ ad tempus sunt or  
dinata: imobilia autem sunt: quæ a natura ueniūt/  
et ad istum intellectū potest accipi quod dicit Ho

Hugo.



sti: et alii doctores super .c. constitutus de re. do.  
q̄ omne ídecens / est deo ípossibile et indispensabi  
le omnino / et multo magis Papæ: qui est uicari /  
us dei / et eius uices agit: sed tale est illud quod est  
contra naturalē equitatem . Ob hoc etiã dicit An  
selmus / q̄ quia mendacium est contra naturam  
adeo est peccatũ: ut deus non possit dispensare ut  
dicatur sine peccato quia non potest recedere a  
ueritate sua etc.

Anselmus.

Ed modo probandum est q̄ usura sit<sup>r</sup> con  
tra natutam et contra omnem naturalem  
equitatem . Quia usurarius uult uendere  
id qđ non est in rerum natura uidelicet usum re  
rum quæ non habent usum distinctum ab ipsis re  
bus / uel a consumptione ipsarum rerum / aut di  
stractione / ut est usus pecuniæ: et frumēti: et uini  
q̄ ipsorũ usus est eorũ cōsumptio uel distractio:  
nec alio modo possunt uti / et maxie pecunia / quæ  
ad hoc inuenta est / ut sit media in cōmutationi  
bus / ut dixit Aristotiles primo politicorum et .v.  
Ethicorum: Vnde talium rerum usus non potest  
concedi nisi concedatur res / seu rerũ dominium /  
quare isti dicuntur uelle uēdere bis unam rem / uel  
id quod non est .s. uendunt uinum et usum nini  
seorsum: Similiter tales uolunt duplicem compē  
d .i.

Aristotiles.



sationem primo pecuniæ suæ iam datæ / ad domi-  
nium alterius : Deinde uolunt premium de usu il-  
lius pecuniæ / quæ amplius post mutuum non est  
sua . Dicitur etiam usura contra naturam pro-  
prii contractus mutui / quia de natura et essentia  
contractus mutui est / q̄ sit gratuitus Math. x. gra-  
tis accepistis et gratis date. Et Luc. vi. mutuum dā-  
tes nihil inde sperātes nam sicut gratia non est gra-  
tia / si non gratis datur / ut dicit Leo Papa et ha-  
betur .i. q. i. c. primo sic mutuū non est mutuum  
si non sit gratuitum : sed usurarius uolens merce-  
dem in mutuo rerum / quæ non habent usum di-  
stinctum / ubi etiam datur dominiū : peruertit na-  
turam contractus gratuiti mutui in mercenariū /  
ubi non potest esse merces / quare agit contra na-  
turalem iusticiam ipsius contractus mutui .

Einde usurarius peruertit dominia rerū / et  
magis agit contra dominiū naturale rerum . Nam  
de natura et essentia contractus mutui est /  
q̄ transferatur dominiū in mutuatarium .i. in eum  
cui fit mutuum / ut etiam habetur in .l. ii. §. apella-  
ta . ff. Si certum petatur . Etymologia etiam  
nominis id declarat : quia mutuum dicitur q̄ de  
meo fit tuum : Nam proprie mutuum non fit ni-

Math .  
Luc .

Leo Papa .



si in rebus ubi transfertur dominium : Sed usurarius post mutuum uult dominium in rebus ubi non habet : et propter illud dominium uiolentatum et quod non est / uult premium usus : Quare iniquissime agit contra naturalia rerum dominia . Sed euertere aut peruertere naturalia et essentialia rerum est solius dei / et non humanæ facultatis nisi inique agentis ergo etc.

Item contra naturam facit usurarius quia uult uendere homini res suas proprias scilicet propriam industriam / quia pecunia mutuata ex se nihil faceret et semper mortua esset : Sed si lucratur ex industria est mutuatarii : Sed durum est et iniustum ac innaturale / quod alicui industria sua propria sibi uendatur : sicut iniquum esset si sibi uenderetur propria domus in qua iam habet dominium : Sed talia facit usurarius ergo etc. Sed quod illa pecunia sit omnimode illius qui mutuo eam accepit patet : quia si immediate eam ammitteret in damnum suum sibi cederet / et non mutuantis tanquam rem propriam ammisisset quare etc.

Item usurarius agit contra naturam quia uult quod res quæ non faciunt fructum naturaliter faciant fructum : Vnde ab Aristotile primo politicorum usura uocatur partus contra naturam et hoc tangitur ab Am

Aristoteles  
Ambi.



brofio cum dicitur usura arte nequissima / et ex ip  
so auro nascitur aurum / et habetur di. xxxvii. c. si  
cut : Iste profecto partus est partus diabolicus : et  
non naturalis ymo uere iniquissimus .  
Item posset dici q̄ usura est contra naturã tem  
poris : quia usurarius uult tempus alteri uendere  
cum sit omnibus comune : ut arguit extra e. c. con  
sultit nam de concessione temporis uult lucrum .  
Item contra laborem quia uult premium usurari /  
us sine labore : Dicitur enim commnuiter q̄ om  
nis labor optat premium extra de re. eccle. non  
ali. c. ad nostram et xii. q. ii. caritatē : sapien. iii. etiã  
dicitur bonorũ laborũ gloriosus ē fructus . Insti. d̄  
legip. pa. § . cognatos. et. ff. cōmodati . l. si is. § . i.  
sed fructus usurarii non esset bonorum laborum :  
sed sine labore contra illud apostoli . ii. thi. iii. si  
quis non uult operari non manducet . Volunt ip  
si triumphare / lucrari / gaudere / et hoc ex labore  
et sanguine pauperum : Deinde uolunt lucrari  
in die pasce in die natiuitatis domini in die ascen  
sionis et nunquã cessant a fructu / nec celebrant di  
es solēnes etc. Concludendo ergo cum usura sit  
cōtra omnem equitatē naturalem non potest fieri  
sine peccato : Et ideo dicendum q̄ iudeis nun  
quã fuit licita usura / sed bene pro redemptione rerũ



ad se pertinentiū / et sic intelligitur illud deuter. xxiii. Vt etiam habetur xiiii. q. iiii. Ab illo : quia illis quibus possumus inferre bella possumus dare ad usurā : quia eo modo nostra redimimus : Ideo a nullo theologorum unquā concessum inuenitur / quod usura ut usura fuerit licita / nec etiam ab aliquo canonistarum timorato / quia pro ista sententia est hosti. i. summa de usuris. §. an aliquo casu uer. octauo : Similiter Io. An. in. c. conquestus de usu / ris similiter Budrius Car. Zab. et quasi omnes in capitulo cōquestus. Idē ē Ray. i. summa et Arch. in. c. ab illo xiiii. q. iiii : Sed si quis perseueraret in sententia peruicaciter dicendo quod deus permiserit iudeis usuram ut usura : quod tamen non credo / tūc posset ē aliter dici iuxta illud Th. secūda secū de q. lxxviii. ar. primo i. responsione secundi ar. et i. tertio sententiarū distin. xxxvii. ar. ultimo : quod primo accipere usuram a quocunq; homine est simpliciter malū : debemus. n. habere omnem hominē quasi proximū et fratrem praeipue i. statu euangelii ad quem omnes uocantur . Vnde in psalmo absolute dicitur : qui pecuniam suam non dedit ad usuram etc. Ezechiel xviii. qui usurā non acceperit . Qd̄ autē iudei ab extraneis usuras acciperēt nō fuit eis cōcessū quasi licitū / et tāq; res quae fieri posset  
d. iiii.

Tho.

Ezechiel. }



sine mortali: sed permissum fuit ad maius malum  
uitandum ne scilicet a iudeis deum colentibus usu-  
ras acciperent propter auariciam cui dediti erant:  
ut habetur Isaya xlxvi. Quod autem in premi-  
um promittitur fœneraberis gentibus multis: fœ-  
nus ibi large accipitur p̄ mutuo sicut ecclesiastici  
xxviii. dicitur. Multi causa nequitiae non fœnera-  
ti sunt. i. non mutuauerunt: promittitur ergo in  
premium Iudeis habundantia diuiciarum: ex qua  
contingit q̄ aliis mutuare possunt: permisit ēt eo  
modo iudeis libellum repudii: ut euitarent homici-  
dium: Aliud est enim p̄cipere uel hortari: et aliud  
permittere. Quod enim permittimus nolentes cō-  
cedimus: quia malas hominum uoluntates ad ple-  
num cohibere non possumus: ut dicit Chrysosto-  
mus et habetur. xxxi. q. i. hac ratione: dicitur etiā  
ibidem q̄ ea quæ permittimus non approbamus.  
Ad hoc propositum facit illud quod dicitur in .c.  
cum iam dudum de preben. ubi dicitur / q̄ multa  
per patientiam tollerantur: quæ si in iudicium de-  
ducerentur cassarentur: Cum autem christiani pos-  
sint faciliter eorum peccatū impedire / non debēt  
inducere uel eos fouere. Alex. etiam de Alex. in  
summa ubi loquitur de usuris tenet q̄ iudei nun-



quam potuerunt exercere usuras sine peccato mor-  
tali prout usurae sunt. Et licet aliqui dicant / quod sal-  
tem possunt moderari usurae iudeorum propter .c.  
quanto de usuris ubi prohibentur graues / et imo-  
deratae usurae: dicendum secundum glo. ibi quod non  
licet in malo arguere a contrario sensu: deinde quod  
omnis usura est grauis / et immoderata: quia est ra-  
pina: ut in .c. si quis usuram. xiiii. q. iiii. Argumen-  
tum etiam sumi potest quod in iudeis sit semper usura  
cum peccato / quia etiam post bapt. coguntur res-  
tituere sicut et res rapinosa: Nam post abolitio-  
nem peccatorum per baptismum alia iuste acquisita sunt si-  
ne peccato possunt retineri sed non usurae: quia  
radix putrida et cum peccato fuit ergo et rami in-  
fecti et cetera. Inno. de trans. in capitulo finali  
dicit quod quantum ad committendum peccatum mor-  
tale uel remanendum in illo / in hiis / quae pendunt a  
iure naturali in lege diuina / et euangelio conten-  
to: Papa non potest dispensare: et ponit exem-  
plum de .c. super eo de usuris: Papa ergo non dispen-  
sat contra ius diuinum ubi est peccatum mortale.  
Similiter nec contra ius posituum quando etiam  
non cessat iniusticia et iniquitas naturalis et cetera.

d. iiii.



Secunda dubitatio principalis.

¶ Secundum dubium an cōmunitas aliqua possit cōducere iudeos ad exercendum usuras sine peccato cōmunitatis idest ipsorum hominum ipsius rei publicæ conducentium.

¶ Solutio huius dubii patere pōt ex p̄cedētibus quia cooperari scienter peccato mortali ē mortale secūdū omēs theologos et doctos canonistas / quod elicit̄ ex dictis Pau. ad ro. i. Nō solum qui faciunt sed et qui consentiunt facientibus digni sūt morte: ergo q̄to magis q̄ inducūt. ubi gl. quā allegat Th. sc̄da sc̄de. q. x. ar. x. i. .i. ar. ubi tractat de tollerantia: quā habere debemus circa ritus iudeorum et aliorū infidelium dicit q̄ peccato consentire unusquisq̄ dicendus est / qui nō prohibet cum prohibere ualeat: si non prohibere est malum quāto maius malum erit / consentire uel cooperari peccato / quod consentiens peccet patet. x. q. iii. Qui consentit / et tribus capitulis sequētibus expresse .  
¶ Primo ergo dicendum est q̄ conducentes quia ex conductione oportet q̄ paciscantur de solutione usurarum / q̄ non sunt liberi ab excommunicatione / et ex consequenti a peccato mortali ut per

Pau.



clēmē. i. de usuris : Secundo q̄ conducentes pec-  
cent mortaliter satis clare argui potest : quia faci-  
unt contra preceptū ecclesiæ extra de usuris post  
miserabilem : Vbi ecclesia precipit principibus se-  
cularibus q̄ faciāt restituere usuras / quas accipiūt  
Iudei / et q̄ alias interdicator eis communicatio  
omnium rerum cum Christi fidelibus etiam sub  
pœna excommunicationis precipit ecclesia : Ta-  
lia precepta secundum theologos et timoratos ca-  
nonistas semper obligant ad mortale quāto magis  
peccarent conducentes ? Secundum theologos si  
principes / uel alii rectores cogunt christianos ad  
soluendum usuras Iudeis : Ipsi tenentur ad resti-  
tutionem : Sed tales conductores ex tali conduc-  
tione cogent in futurum soluere : quia iam se obli-  
gant / et obligarent exconventionibus / ergo faci-  
unt se participes futuræ rapinæ : quia usura dici-  
tur rapina ut habetur xiiii. q. iiii. c. Si quis : et est  
textus Ambrosii notabilis / et exconsequenti pec-  
cant mortaliter quia rapina non potest esse sine  
peccato mortali . Guil. dicit q̄ domini qui per-  
mittunt usuras exigi a iudeis in terris eorum : q̄  
ipsi tenentur ad restitutōnem : quia cum possint  
non compellunt ipsos ad restituendum / cum ad  
eos pertineat et teneantur ad preceptum quod ha-

Ambro.



bent ab ecclesia : quod non seruando monstraue  
se habere interpretatum consensum : iuxta illud  
non caret scrupulo concessionis occultæ : qui ma  
nifesto facinori non desinit obuiare extra de homi  
cidiis sicut dignū. §.iii. et ex consequenti peccant  
mortaliter ergo a fortiori quanto magis qui cōdu  
cunt conuentionem faciendo de usuris. Et cum  
mihī a secularibus frequentius dicitur / q̄ fit hoc  
ad uitandum maius detrimentum eorum / et pro  
pter multa commoda : quæ proueniunt pauperibꝫ  
ipsius ciuitatis et cætera. Quibus sancte est dicē  
dum q̄ nunquam malum culpæ agendum est / ut  
uitentur omnia mala mundi temporalia / nec etiā  
spiritualia dummodo remaneat ibi culpa / et dei  
offensa : Nec est aliquo pacto credendum aut arbi  
trandum / q̄ mala debeamus euitare / aut bona de  
beant nobis prouenire per offensam dei secundū  
omnes sanctos doctores : quia esset inferre : aut q̄  
deus non esset omnipotens : quia nō posset succur  
rere nolentibus etiam offendere : aut q̄ non cerne  
ret omnia / quia non posset intueri talem bonam  
mentem et innocentem : quæ propter eius gratiam  
nollet committere peccatum ueniale / Aut q̄ non  
esset sanctus / quia non delectaretur tali tantaqꝫ  
innocentia / eiqꝫ succurreret : sed magis succurre /



ret scelestis hominibus quasi delectaretur eorum  
offensa / et iniquitate: et hoc satis argui potest eti  
am ex textu de usuris. c. super eo. ubi dicitur q̄ sa  
cra scriptura prohibet pro alterius uita mentiri / et  
multo magis prohibendum est ne quis pro redimē  
da uita captiui usurarum crimine inuoluatur.

**c** Onclusio hæc theologorum uera est et mal  
xime Tho. secunda secūde. q. xxxiii. ar. vii.  
in solutione. v. argumenti. et Pe. de pal. in. iiii. di.  
xvii. ar. i. in .vi. quesito. conclusione prima q̄ nul  
lum malum culpæ etiam uenialis ut euitētur mor  
talia est eligendum: quia dei offensa non est eligē  
da / nec cadit sub electione: nec etiam est aliquo  
modo debita: ut ēt euitētur multa mala. unde Au  
gu. in li. de mendacio et habetur .xxii. q. ii. c. pri  
mo. dicit q̄ omne genus mendacii q̄ alicui p̄dest  
corporaliter / et spiritualiter / et nulli obest etiam  
pro illa utilitate faciendum non est. Unde conclu  
dit augustinus q̄ ad sempiternam salutem nullus  
ducendus est opitulante mendacio: hæc etiam sen  
tentia habetur a magistro sententiarum in. iiii. di.  
xxxviii. et confirmatur a beato Bonaventura / et a  
reliquis theologis: Augustinus similiter super psal  
mos et habetur. xxii. q. ii. Ne quis dicat q̄ bonis et  
scis uiris falsū dicere iuenitur esse cōcessum idem



etiã habetur ubi supra. c. faciat Si ergo ista non li-  
cent : quanto minus licebit usuræ cooperari cum  
semper usura sit peccatũ mortale. hoc etiam argui  
posset ex. c. non magno ne. cle. uel mo. et cetera .  
Host. etiam et Io. An. in. c. non magno ne. cle.  
uel mo. dicunt aut aliquid est prohibitũ lege diui-  
na / ut mendacium / et usura / et non admittitur cõ-  
pensatio de minori malo ad maius malũ : nec de  
malo ad maius bonũ et hoc per. c. super eo de usu-  
ris et xxii. q. ii. c. i. Aut est prohibitum lege cano-  
nica : et tunc põt fieri cõpensatio auctoritate Pa-  
pæ : cum possit tollere peccatum quod constitutõ  
canonica induxit : ut in .c. proposuit de con. pre-  
ben. etc : Ecclesia ergo non potest consentire ma-  
lo culpæ : et multominus cooperari quod est pro-  
hibitum lege diuina in quo semper remanet ma-  
cula peccati et hoc etiam ut uitetur maius malum  
uel quod sequatur aliquod aliud bonum | ut pa-  
tet expresse di. xiiii. c. quod ait : licet possit tolle-  
rare ecclesia sub dissimulatione causa maioris  
mali uitandi uel causa maioris boni | quod inde  
oriri potest et de hoc est glosa quam sequitur Ar-  
chidiaconus et Iohannes de fant. distinctiõne quar-  
ta capitulo Deniq; in uerbo uenia : uide etiã glo-  
sam notabilẽ distic. .iii. c. finali. Et si quis diceret

Aerhi.



q̄ ecclesia tollerat ritus iudeorum / et prohibet fi-  
deles ne eos impediant ut habet̄ expresse di. xxxxy.  
c. Qui sincera. Dicendum q̄ ecclesia hoc impedit  
causa maioris boni / quod exinde sequitur ut. s. p̄  
hanc uiam possimus eos lucrari / et facilius cōuer-  
tantur ad ueritatem / ut dicitur in supradicto .c.  
qui sincera. Deinde quia ueritas nostræ fidei in li-  
bris ipsorum uelata et ī ritibus prefigurata nostris  
oculis lucide demōstratur et fidei nostræ testimoni-  
um roboratur ut dicit Augustinus. xviii. de ciuita-  
te dei. c. xxxxy.

Agister Gerardus de senis ordinis heremi /  
tatum examinat hoc dubium utrum iura debeāt  
concedere cōtractum usurarium / propter aliquod  
bonum quod īde oriatur uel propter aliquod ma-  
lum : quod inde uitetur : quod soluit hoc modo  
distinguendo / et allegatur a Ioh. an. in mercuriali-  
bus in regula peccatum .in ar. iii. Dicit enim q̄ p̄-  
missio accipi potest tribus modis. Vno modo pro  
ut est simplex permissio indulgens pœnam .et hoc  
casu ecclesia permittit malum / ut euitetur maius  
malum ut in dicto .c. deniq̄ iuncta glo. ī uerbo uel-  
nia. di. iiii. et in .c. Si qua monacharum iuncta gl.  
xxvii. q. i. Et dicit ibidem Ioh. an. q̄ talis p̄missio  
ideo dicitur simplex quia tantūmodo pœna indul-  
getur / non autem culpa minuitur. Secundo mo-

Permissio po-  
test accipi  
tribus modis



do accipi potest permissio uel cōcessio prout idem  
est q̄ permissio tollens impedimentum secundum  
quē modū iudei inter xp̄ianos permittuntur ab ec  
clesia in obseruantia sui ritus ut in .c. Qui sincera  
xxxv .d. et ista permissio differt a prima: quia nō  
solum ecclesia permittit malum .s. obseruantiam ri  
tus iudeorum subtrahendo cōminationē / uel in  
flictionem p̄næ / sicut facit permissio prima / sed  
etiam remouendo impedimenta christianorū / qui  
uellent īpedire iudeos ne obseruarent suos ritus ut  
in .c. Sicut de iudeis . Tertio modo potest acci  
pi concessio prout idem est q̄ permissio pr̄stans  
iuuamen: secundum quem modum ecclesia quan  
doq; permittit clericum occidi a pt̄ate seculari / et  
hæc permissio excedit secūdā: sicut secunda pri  
mam: quia in ista tertia permissione non solū sub  
trahitur cōminatio aut inflicio p̄næ: quæ posset  
per occisionē clerici infligi / sicut fit in prima per  
missione. Sed etiam tollit impedimentum per qd̄  
posset occisio clerici impediri: quemadmodū fit in  
secūda permissione. Immo ultra hec duo pr̄stañ  
iuuamen ī ista tertia permissione quod non fit in  
aliqua precedentiū: Nam in nulla ipsarū posset ec  
clesia iuuamen p̄stare: quia non potest adiuuare  
malū culpæ et offensæ dei: et qui aliter sentiunt be



strialiter sentiunt: Sed ecclesia praestat iuuamen /  
quia ipsum degradat et ponit in manibus iudicis  
secularis ut crucietur uel etiam occidatur iuxta il  
lud Apostoli. i. cor. v. Tradens huiusmodi homi  
nem sathanæ in interitū carnis ut spiritus eius sal  
uus fiat in diem domini nostri Ihesu Xpi ut in. c.  
nouimus de uerborum signifi.

Apostolus.

e X his patet q̄ tribus modis potest accipi cō  
cessio uel permissio / primo quādo propter  
maius malum uitandū malum toleratur sub dissi  
mulatione: et hęc dicitur comparatiua permissio /  
quia solum pœna indulgetur / Cum talis sic faci  
ens non puniatur ut est de meretricibus: Tamen  
non minus iuoluitur crimini propter talem per  
missionem: Secundo modo accipitur concessio  
uel permissio / quando ecclesia tollit impedimen  
ta impediencia malum fieri propter bonū / quod  
inde sequi speratur ut in obseruatione ritus Iude  
orum. Tertio modo quando ecclesia praestat iu  
uamē: Et sciendū q̄ ecclesia hoc tertio modo nō  
potest cōcedere uel p̄mittere nisi illud quod p̄mit  
titur siue conceditur sit licitū ut est occisio clerici  
pp̄ delictū traditi curiæ seculari: nam hoc est licitū  
quia maleficia non debent remanere impunita ut  
in. c. ut fame de sen. ex. et. l. ita uulneratus. ff. ad  
l. Aquiliam: Quamobrem concludendum est



Augu.

ita q̄ uidelicet ecclesia non potest dare licentiam  
præstando iuuamen faciendi malum culpæ ut i. c.  
legatur. xxiiii. q. ii. unde ecclesia non posset dare li  
centiam præstando iuuamen / ut iudei seruarent  
ritus suos ut dicitur in glo. iii. c. Qui sincera.  
xxxv. di. unde August. contra p̄minianum dicit:  
q̄ quis malis sociatur quādo cum eis malū cōmit  
tit / aut cōmittentibus fauet ut habetur. xxv. q. iiii  
Ita plane / et in fine capituli ita concludit Aug. ubi  
malum nō potest corrigi / uel puniri / uel aliter ob  
uiari illa duo retenta semper reseruant hominem  
innocentem et icorruptum a peccato. s. ut nec ma  
lum quis faciat: nec approbet factum: sed præsta  
re iuuamen iudeis ad usuras exercendas esset faue  
re malo quod non licet et cetera.

Concludit ergo ibi suprascriptus frater Ge  
rardus, et Ioh. an. q̄ nec ius naturale nec  
diuinum potest permittere contractū usu  
rarium / propter aliquod maius malū uitandū uel  
p̄pter bonum / quod inde oritur, quia et ius natu  
rale / et diuinum prohibent usuras. Nec etiam ius  
canonicum aliqua suprascriptarum p̄missionum /  
quia p̄na cōminatur et infligit facientibus dictū  
contractum / ut in. c. q̄q̄. li. vi. de usuris, sed multo  
minus aliquis dominus temporalis / uel aliqua cō



munitas / quæ sunt minoris auctoritatis : et si ali /  
quas uideatur Papa permittere usuras / ut in .c. sa /  
lubriter de usuris / et alibi dicendum quod illæ nō sūt /  
proprie usuræ licet uideantur similes : Ius autem ci /  
uile permittit permissione primi modi .s. non infli /  
gendo pœnam : propter maius malum uitādum .

Ergo hæc est theologorum et canonistarum  
uera et indubitata conclusio / licet enim multa ad  
duci et allegari possent : sed quia nōnulli propter  
dictum Augustini in libro de adulterinis cōiugiis  
quod etiam habetur .xxxiii. q. ii. c. Si quod uerius  
audent dicere quod de duobus malis culpæ minus est  
eligendum quia Augusti. uidetur dicere quod si quis  
uult facere homicidium uel adulterium quod potius  
faciat adulterium quā homicidium : Quibus respon  
dendum est quod August. loquitur conditionaliter :  
uidelicet quod si quis cogeretur ad aliquod istorū quod  
magis deberet facere adulterium : sed illius conditi  
onalis prima pars non est concedenda . quia nemo  
liberi arbitrii cogitur ad peccandum / ergo et con  
sequens non est concedendum : Similiter Augu.  
uolebat dicere quod si quis uellet alterū istorum face  
re quod magis deberet facere adulterium : Sed nullus  
debet uelle perpetrare aliquod istorum et cetera :  
Sed bene stante mala uoluntate ad alterum istorū



tunc faciat minus : sed illa mala uoluntas est de i  
ponenda . Quare perstat conclusio firma q̄ ma  
lum culpæ paruum non est perpetrandum / ut ui  
tetur maius et ex consequenti nec usuræ .

••••• FINIS •••••

**D.** Celsi Veronensis Cano. Regul. ad Reueren  
dissimū .**D.** Cardinalem Papien. de  
morte .**S.** Sixti Cardinalis Epi.

**REUERENDISSIME** domine Ex litteris be  
nedicti Maphæi nepotis mei cognoui id  
quod etiam sine litteris intelligebam . Et  
tuæ Reuerendissimæ . **D.** erga me studium eximi  
um et iudicium eiusdem in me singulare Doleo  
p̄fecto / neq̄ me parem pro tuis in me meritis gra  
tiam refferre posse : Neq̄ ea in me esse quæ opini  
oni tuæ / iudicioq̄ respondeant . Tuam semper  
Reuerendissimā dominationem laudis meæ cupi  
dam dignitatiscq̄ cognoui . Itidem ago / ubiq̄ lo  
corum et gentiū / de tua excellenti uirtute / ac glo  
ria . Huiuscæ rei habeo q̄ plurimos locupletissimos  
atq̄ dignissimos testes . Verum de his alias . Quid  
autem mi Reuerendissime domine in hac tam mi



fera et falaci uita admodū cupere debeamus: non  
satis intelligo: quid uero timendum sit: plane co-  
gnosco. Quotidie noua oboriuntur exempla qui-  
bus instruimur: nihil esse hac uita miserius: Nam  
cum nuper de obitu Cardinalis sancti Sixti ex mul-  
torum litteris et nuntiis accepissem: Cœpi mecum  
cogitare uariam rerum humanarum sortem: mira-  
bilemque simul ac miserabilem hominis istius cōdi-  
tionem fuisse cognoui: Nam qui paulo ante in ui-  
ta fœlicissimus omnium esse putabatur. in morte  
miserimus omnium apparuit: quando ea quæ ui-  
uenti gloriam et splendorem attulerunt. morienti  
pœnam et cruciatum inferrent: et ea quæ dum an-  
te possiderentur iucūda et dulcia esse uidebātur:  
eadem dum relinquerentur tristitia et amara esse p-  
barentur: Quid enim in hoc biennio huic quod  
optaret / aut uiuenti defuit / aut morienti profu-  
it: Heu miseram nimis hominis conditionem: dū  
ea quæ in uita tanto labore parantur ad uolupta-  
tem: in morte tanto dolore relinquuntur ad pœnā:  
Et quæ prius longis erant quesita uigiliis ut essent  
oblectamento / breui tempore magno sunt amissa  
tormento. Nihil huic homini adiuuētī dignitas:  
nihil splendor: nihil aurum: nihil argentum: nihil  
uasa preciosa: nihil opes: nil nitor gemmarum: nil



fauor auræ popularis: nil turba clientum: nil denique principatus tanto præsidio studioque ualatus profusus attulit salutem: Sed e contrario quum corpus sæuis doloribus cruciatum torqueretur: Hæc omnia quoniam relinquenda erant / animū quoque diris ac cruentibus morsibus lacerabant: ut mihi profecto fortunatissimi esse uideantur: qui nullā cum rebus tam cito perituris sortem acceperunt. uel acceptam uirtute ipsa contemptā penitus abiecerunt: Sic enim fit ut animus noster et adhuc in corpore positus nullis rerum presentiū delinitus illecebris rerum æternarum cogitatione pascatur: Et dū migrat a corpore nullis uinculis irretitus / aut sordibus inquinatus / liber ac mundus euolet in superna / et nullo dolore relinquat: quod miro ardore contempserit: At me quidē iam pridem totum in hanc cogitationem erectum: cum uariis rerum humanarū multiplicibusque casus: Tum uiri de quo dico tam repentini tamque insperati euentus subitaque procellæ confirmarunt: Quid enim? floruit hic paucis diebus plusque mea sententia assequutus est / quā uel ulli sperare aut ei fas esset optare: Quandoquidem ex loco tam humili tamque abiecto. ad tam excellentis gloriæ culmen altitudinēque potentix euectus est. Et ecce mi pater et domine dum huic ad



nota succedunt omnia parum dico immo dum nota  
ta successu rerū superantur dum nihil optat / quod non  
speret . dum nihil speret quod non querat : nihil  
querit / quod non assequatur : Dum ei cuncta ar  
rident in ipso primordio iuventutis in medio floren  
tis gloriæ cursu / subita atque insperata morte corri  
pitur : O fluxam rerum humanarum labilemque natu  
ram : O falacem uitæ spem : O miseram conditio  
nem : Quid est quod animos nostros excitet aut  
allitiat ad hanc rerum transeuntium ac tam cito  
labentis uitæ gloriā appetendam : quando uel res  
nobis / uel nos rebus / tam inopinato euentu / tam  
que subito casu subtrahimur ? Igitur humanissime  
princeps ab his rebus quæ tam cito pereunt meus  
auocandus est animus : atque illic spes mea cogitati  
o que locanda est : Vbi uita perpetua . Vbi pax æter  
na . Vbi immortalis beatitudo . Vbi sempiterna  
fœlicitas . Vbi deus noster est premium ac uita / et  
merces nostra magna nimis : Hæc tuæ Reueren  
do . scripsi non quod aut ad contemptum uitæ præ  
sentis / aut ad spem futuræ eam accendendam in  
flammandamque putarem : Cum uita tua perfecta  
quædam norma integritatis : sanctitatisque existat .  
Sed ut magis hæc Epistola esset monumentum mei  
in te præcipui amoris / ac singularis obseruantia /



intelligeresq; tuam Reuerendissimam Dominati  
onem mecum in studiis / mecum in cogitationi /  
bus / mecum et domi / et publice cum suauissima  
memoria uersari . Cui me unice trado / atq; com  
mendo. Ex Bononia xii. kalendarum Februariarum.

Epistolion Philippi Beroaldi .

Puscula nō parum multa cum ellegantia  
o nitore: tum sententiarum splendore fulgē  
tia laudibus extollere consueuimus . Inter  
quæ reponi merito potest libellus hic a Venerabi  
li Viro Celso nuperrime editus: Qui non minus  
est eruditione q̄ religione monstrabilis : multum  
in hoc nitoris: nec minus doctrinæ inest : Lector  
lege letaberis . Vale .



Opusculum hoc Bononiae Impressum est p̄ Pla /  
tonem de Benedictis librorum excussorē Anno  
Domini . M . CCCC . LXXXIII . Quin  
to kallendas Iulias .

REGISTRVM.

a . b . c . d . e .

Omnes sunt quaterniones Vltimus vero  
constat ex duobus foliis .

..





Opusculum hoc Bononiae impressum est per  
consensum de Benedictinae thesauri archidiaconi Anno  
Domini, M. CCCC. LXXXVIII. Quin-  
to kalendas Julias.

REGISTRVM.

a. b. c. d. e.

Omnes sunt partitiones - Voluminis vero  
constat ex duobus foliis.





